

MATLA A MOLIMO A HO FETOLA

 [Moena Branham o tsebisoa ke Moena Carl Williams—Mohl.] Kea u leboha, moena. [“Ehlile ke monyetla oa ’nete ha Moena Branham a tla khafetsa e kana Phoenix. Ke nahana a chakela Phoenix ho feta nqa efe. ’Me re batla a lule a tla, ha feela ke le teng mona, le hona. Molimo a u hlohonolofatse, Moena Branham.”] Kea leboha, kea u leboha, Moena Williams.

Lumelang hoseng hona, metsoalle. Ke a... Taba ena ea lelapa la ha Shakarian, Moena Williams le Khaitseli Williams le ba bangata mona ba e tseba. Ke e bone ka pono, lilemo tse batlileng ho ba peli kapa tse tharo pele a kula, ’me e etsahetse.

² ² ‘Me ngoahola ha re etetse koano, kea kholoa e ne e le Pherekhong, sebokeng, ke mohla moprista (lebitso la hae ke mang? Ke lebala lebitso la hae joale) a tlileng koano. [Motho o re, “Stanley.”—Mohl.] Stanley, Bishop Stanley, ho tsoa kerekeng ea Katolike. Le sa hopola mohla a tlisitseng Bibele, ua tseba, eaba o a mpolella.

E ne e le boporofeta bo ’maloa, “Morali oa ka, u folile.”

³ ³ ‘Me o tsebile pono e boletse a ke ke a fola. “O tla shoa lipakeng tsa hora ea bobeli le ea borarō hoseng.” Le sa e hopola na? [Motho o re, “E.”—Mohl.] Ka hona, hora ea bobeli kapa ea borarō.

⁴ ⁴ ‘Me ha kea khona ho bolella Demos. ‘Me eaba ke bolella mohatsa ntatae, hantle ka phaposing, hantle tulong ena mona. Ka re, “A ke ke a fola.”

Mof. Shakarian a re, “Be, motho mang le mang o a porofeta.”

⁵ ⁵ Ka re, “Ehlile, e ka ba ke fositse, ka bonna, empa ke e buile. A ke ke a fola.”

⁶ ⁶ Ka bolella ba bangata, lilemong tse batlileng ho ba tharō tse fetileng, “Ke ’mone a matha ho boloka bophelo ba hae, a kena liphateng. ‘Me a phahamisa matsoho a nkhooeletsa, joalo. ‘Me ke—ke sa khone ho mo finyella. ‘Me eaba ke ’mona a shoa. ‘Me ka sheba, ’me e le ntho e ’ngoe, e le tšupanako, ’me e supile ntho e lipakeng tsa hora ea bobeli le ea borarō.”

⁷ ⁷ ‘Me eaba bishopo o re, “Be, ke tla shebella ke bone kamoo e hlhang kateng.” Eaba, e a etsahala.

⁸ ⁸ Re hlile re hloname. Ke utloa kereke e lahlehetsoe ke motho e moholo, ho Khaitseli Florence Shakarian. Empa, e ne e le sebini se seholo, e ne e le mosali ea tletseng Moea.

⁹ ⁹ Ke kōpane le ’mè oa hae; ’mè oa hae e ne e le le leng la mahokelo a ka a ho qala Lebopong la Bophirimela, mohla ’mae a neng a folisoa. Mohla lingaka... O ne a ilibane, ’me a ruruuhile.

¹⁰ 'Me eaba e—e ngaka mono e mpolella, e re, "Joale u hle u etse thapelo e khutsitseng. U se ke ua etsa lerata. Mosali eo o a shoa."

Ka re, "E, monghali."

¹¹ 'Me o itse, ka hona, a 'na a mpolella. 'Me, be, ke sa fuoe le monyetla oa ho bula molomo oa ka feela, ka mokhoa oo.

¹² Ka hona, Moena Demos a mpolella ho tsoelapele le ho nyoloha ho ea 'mona.

¹³ Ka hona, ka nyoloha ka methati. 'Me Florence a khumame mokatong, mohlang oo e le ngoanana e motle, a na le basali ba bang. 'Me ka tloha ho ea mo rapella, le ho e bolela. 'Me o ne a akhehile. Le ho 'molella a tla boela a tsoha hape. 'Me a etsa joalo. Lilemo tse 'maloa hamorao, a shoa. 'Me joale Molimo o arabela lithapelo tsa rōna.

¹⁴ 'Me re tseba taba eo, re lumela bohle re tlie koano ka thato ea Molimo, 'me re tsamaea ka ho tśoana. Ka bonngoe ka bonngoe, re tla tśela khoro eo. 'Me lebaka la rōna mona hoseng hona, ho phutheha mona Christian Business Men's Fellowship, ke ho bua ka lintho tsena, le ho itokisetsa tsona, hoba re li tseba li tla fihla ruri.

¹⁵ Joale Khaitseli Florence ke mosali e mocha, oa lilemo tse mashome a mane le metso e 'meli, Moena Williams o sa tsoa mpolella, 'me o mocha haholo. Empa le pele bao, a itseba a tśoeroe ke boloetse bona, khele, ke bone pono ea hae 'me e mpoleletse sephetho sa hae. Le hona, ho tla ba joalo. Molimo o e tseba eohle, 'me o bone Jesu ka phaposing ea hae pele a ikela. Ha re sa batla ho mo rapella feela, hobane re entse hoo haholo hakana. Re batla ho leboha Molimo feela ka bophelo bo nong bo le hara rōna, bo ileng ba re susumetsa bohle, joaloka Khaitseli Shakarian.

¹⁶ 'Me re batla ho rapella Moena Demos, Khaitseli Rose. 'Me le hopole, ba sotlehile haholo bophelong ba bona, khetlo la ho qetela... ke ntate oa hae, le khaitseli ea haeo joale nthong ea hae...lilemong tsa ho qetela. [Motho o buisana le Moena Branham—Mohl.] Empa, 'me, yaa, ka tlase ho mono, ka tlase, likhoeli tse leshome; le khaitseli, Khaitseli Edna, hape.

¹⁷ Ka hona, ke tseba mokhoa oa ho utloela Moena Demos bohloko. Ke bile le ntate, moena, mofumahali, le lesea, ba tsamaile ba siana ka matsatsi a 'maloa, ka hona ke—ke tseba maikutlo a hae hoseng hona. U tseba feela ha u ema lieteng tseo, ke mohla u ka tsebang ho utloela bohloko. 'Me...

¹⁸ [Morero o holisang lentsoe o a letsa mololi—Mohl.] Ke 'na ea entseng hoo. Le ntšoarele. Ke thutse sehlomo se itseng tlase mona nqa e 'ngoe, ka letsoho la ka. Ka hona ke—ke masoabi ka ho phahamisa molumo oa sona haholo, ke sa ikemisetsa.

¹⁹ Ka hona ha re emeng joale nakong eo re...ha u ka khona, haeba e le... A re inamiseng hlooho ea rōna.

¹⁹ Ntate oa Leholimō, re phuthehile mona hoseng hona ho rapela Uena, ho leboha Uena le ho rorisa, ka ho romela Jesu Molopolli oa rōna, re na le t̄sepo mohla bophelo bona bo fetileng, ha se taba e tiileng hoba re tla phela mona ka mehla. 'Me, Ntate, ho bona maemo a soto ao mebele eo e ka kenang ho ona, re thabetse ha re sa tlameha ho lula mona ka mehla. Ú hlophisitse tsela ea ho phonyoha, tlase khohlong ea lefu.

²⁰ 'Me, Ntate, re motlotlo ho Uena hoseng hona, ka bophelo ba ea kileng a ema le rōna, nako e katlase ho selemo e fetileng, a bina lithoriso tsa Hao; Khaitseli Florence Shakarian, joaloka ha re mo tsebile. 'Me Uena u re boleletse khale, esita le lilemo, ka taba ena e tlang ho hlaha, e tle e se re harole letsoalo haholo. 'Me re tseba seo U se buang e le 'nete. 'Me Lentsoe la Hao le bolela hape, "Motho ea tsoetsoeng ke mosali, matsatsi a hae a 'maloa a khotse litsietsi." Re tseba hoo e le 'nete, hape, Morena. Re tseba bohle re t̄soanelā ho feta khohlong eo. Re U leboha ka bophelo ba hae mona lefatšeng. Le ho lumela ka tumelo, hona joale, hoseng hona, o tlohile leahong lena le soto la maloetse, ho kena 'meleng o khanyang o ke keng oa kula le ka mohla. 'Me litalenta tsa hae tsa 'mino, le lentsoe la hae, le moea oa hae o enneng mohau o 'moho le Kreste hakana! Holane a ka khutla hoseng hona, a ke ke a batla ho etsa joalo le ka mohla; a ka tlameha ho feta tabeng ena eohle hape. Etsoe, joale e fetile, o na le 'mē oa hae le ntate oa hae. Ba bilelitse lesea la bona lapeng. Ka hona, re—re a U leboha.

²¹ Hape re batla ho rapella matšeliso, a Moena Shakarian oa rōna, moena oa rōna ea ratehang, ho tseba e—e bophelo boo a bo phetseng, le mahlomola a mo oetseng holimō matsatsing ana a qetelo, le kamoo eēna; ho 'mona a tsofala, le moriri oa hae o motsuha, le mahetla a hae a kobama, feela a ntse a leka ho lula masimong nqa ho Molimo. Molimo, mo natlafatse kajeno. Rea rapela, Molimo, hore U tle u e abe. Ho bohle ba hlomolisitsoeng ke ho tsamaea ha hae, re rapella e mong le e mong.

²² 'Me rōna, Morena, re sa hopotse sena, re hopole le rōna re t̄soanelā ho tsamaea tsatsi le leng. E re re sa lutse 'moho mona ka pel'a Sefahleho sa Morena Jesu, re U kōpa ho e khutlisa ka bocha mehopolong ea rōna. 'Me re itlhahlobe, ka mokhoa oo, kapa ho itekola maphelo, re tle re lule tlasa Mali le Tumelong. Aba sena, Morena.

²³ Joale e re ke sa leka tlasa maemo ana ho tlisisetsa batho molaetsa o monyenyané, kajeno, ke U rapela ho nthusa, Morena. Ho 'natlafatsa, hoba ke—ke—ke hloka hona, Morena. 'Me ke U rapela ho e abe. Ho boleloe taba e tlang ho tlotsisa Uena. 'Me e ka re ha e mong a lutse tlasa molomo oa lentsoe la rōna hoseng hona, a sa itokisetsa ho khahlana le hora e larileng ka pel'a bona, e be mohla ba tla inehela ho Eo Ea itseng, "Ke 'na Tsela, Bophelo, 'Nete," eo ke Morena oa rōna Jesu Kreste. Hoba re e kōpa ka Lebitso la Hae. Amen. (Le ka lula fatše.)

²⁴ [Motho o buisana le Moena Branham kalaneng—Mohl.] Moena mona o batla ho tseba haeba motho mang le mang a utloa hantle. O hlomme limaekrofono tse peli. Na ho joalo? Na le khona ho utloa? Phahamisang matsoho a lōna ha le khona. Na le khona ho utloa? Phahamisang matsoho a lōna. Ho lōkile.

²⁵ Ke masoabi ha re na malulo a lekanang e mong le e mong hoseng hona. 'Me re tšepile nke ke ka lula mona halelele haholo, ho lekanang feela mohlomong ho re tlisetra palo ea Lentsoe; Morena Molimo o tla hlompha Lentsoe la Hae ha le baloa, 'me o tla re neha mohau oa Hae, re tle re Mo sebeletse ka ona.

²⁶ Joale Billy Paul o mpoleletse, hoseng hona, re ka tšoha re bua Grantway Assembly of God Sontaha se tlang, mane Tucson. Ha motho a tsoa Tucson mona, nka tšoha ke sa u bone vekeng ena. Ke tla ba koana Grantway Assembly of God, Sontaha se tlang.

²⁷ Ka hona joale re sa tsoa khutla Bochabela, 'me ka batla ke ikimetsa, ka ho jesoa tlolo, ke mosa oa batho ba lithabeng. 'Me —'me eaba kea kula, ha kea ikuatloa ke phetse hantle vekeng ena. Ka hona, le nthapelle. 'Me . . .

²⁸ [Motho o re, "Opposamo e ngata."—Mohl.] U itseng? ["Opposamo e ngata."] Moena Carl Williams ka bosoasoi ba hae, 'me ke kholoa re bo hloka hona joale, o itse, "Opposamo e ngata." Ha ke tsebe taba eo, Moena Carl, empa lihlora tse ngata. [Moena Branham o a tšeja.]

²⁹ Ha le batla ho rapella motho hoseng hona, khele, ruri ke—ke ananela ha thapelo ea lōna e ka etsesoa 'na, hobane ke—ke a hloka.

Joale re batla ho kena Lentsoeng ka potlako.

³⁰ 'Me ha ke batle ho le tšoarella halelele haholo mona, hobane kea kholoa ho hoketsoe mehala sechaba bophara, tabeng ena hoseng hona, ho qala Lebopong la Bophirima ho ea Lebopong la Bochabela, ho qala Leboea le Boroa. Liphutheho tse ngata, ngata li iphumanetse bolulo bona joaloka lōna mona ho tsoa tabernakeleng. E boetse e hoketsoe holimō Phoenix, hohle moo litšebeletso li leng teng, e kena hantle ka ho . . . 'Me ba phutheha likerekeng le malapeng, le linthong tse kang tseo, ka leqhubu le khabane haholo. Ba re le letle le ho feta khaso. Ke khokahano ea mohala, ba hloma resifara kapa maekrofon, kapa e ka bang eng, ka phaposing. 'Me ba . . . Mohatsa ka o buile, ho tsoa Indiana veke e fetileng, tlase ho fihla Tucson, ke ha ho itšoanelia le ho ema ka phaposing. Ka hona re rapela Molimo ho sitsa bohole ba mohaleng hoseng hona, hohle moo ba leng teng. E tla fihla le holimō koana New York joale, oh, thapama, le ka linako tse fapanang sechaba ka bophara.

³¹ Joale koana Bukeng ea Baroma, khaolo ea 12, le litemana tsa 1 le tsa 2, re lakatsa—lakatsa ho bala Lengolo lena.

Kea le laela, banabesō, ka mehauhelo ea Molimo, hore le behele mebele ea lōna e le sehlabelo se phelang, se halalelang, le se amohelehang ho Molimo, e leng eona tšebeletso ea lōna e tšoanelehang.

'Me le se ke la ipapisa le lefatše lena: le mpe le fetoloe ka nchafatso ea mohopolo oa lōna, le tle le ikholise ka se leng molemo, le se phethehileng...se molemo, se amohelehang, le se phethehileng, e leng thato ea Molimo.

³² Joale, ha Morena a ratile, ke batla ho qotsa seholoho sa ka sa hoseng hona, ka: *Matla A Molimo A Ho Fetola*.

Le tle le se ke la ipapisa le lefatše lena: le mpe... le fetoloe ka nchafalo ea mohopolo ea lōna, joale, le ikholise ka seo se molemo, se phethehileng, le se amohelehang, e leng thato ea Molimo.

³³ Ke mohlolithero oa khale o tsebjoang ke lōna balisa ba bangata le o sebelisitse ho theoha le nako ea lōna. O sebelisitsoe ho tloha esale O ngoloa. Empa koana, ntho e le teng ka Lentsoe la Molimo, ha Le tsofale le ka mohla, hobane Ke Molimo. Ha le tsofale le ka mohla. Ho haola le moloko o mong le o mong joale, ho ella koana, lilemo tse batlileng ho ba makholo a mashome a mabeli a metso e robeli, kapa ho feta, esale Lentsoe lena la Molimo le baloa ke banna, baprista, le ba joalo, 'me ha Le tsofale le ka mohla. Esale ke Le bala, ka bona, lilemong tse ka bang mashome a mararō le metso e mehlano. 'Me nako le nako ha ke Le bala, ke fumana lethoana le lecha leo ke le tlolisiteng mahlo khetlo la pele. Hobane, Le bululetsoe, Ke Molimo ka sebopeho sa lengolo. Ua bona, Ke mehopolo ea Molimo e buang, 'me manehiloe pampiring.

³⁴ Khafetsa, motho o itse, "Be, joale, motho o ngotse Bibele ena." Che. Bibele e boletse, ka Seqo, ha thoe Molimo o ngotse Bibele. Ke Lentsoe la Molimo.

³⁵ 'Me ha Le ka ke la hholeha le ka mohla. Jesu o boletse, "Maholimo le lefatše li tla hholeha, ho feta, empa Mantsoe a Ka a ke ke a hholeha le ka mohla." 'Me Le ke ke la hholeha, 'me ka ho ba Molimo, Ke karolo ea Hae.

³⁶ 'Me uena ka ho ba mora oa Hae le morali, u karolo ea Lona, 'me hoo ho u fetola karolo ea Hae. Ke ka baka leo re tlang ho kenela bolekane ho pota Lentsoe la Molimo.

³⁷ Joale lentsoe lena *fetoleloa*, ke le hlahlobile bukantsoeng, maobane. Athe, ka batla ke lahleheloa ke nako ea ho fihla holimō mona, ke ntse ke batlana le therō, 'me ka fumana lentsoe lena, kapa therō ena, ke rialo, Lengolo. 'Me bukantsoe e le hlalosa e le "ntho e fetoloang." Ke ho "fetoloa" *Fetoleloa*, "ho etsoa e fapanē le seo e bileng sona." E entsoe, "Tlhaho ea eona le ntho efe e fetotsoe ho eona," ho *fetoleloa*.

³⁸ 'Me eare ke sa nahanne hoseng hona, ho Genese 1. Lefatše lena le ne le hloka sebopinho, 'me le le feela, 'me lefifi le aparetse lefatše; e le tšenyeho e phethehileng feela. 'Me mohla lefatše lena le neng le le maemong ao, Moea oa Molimo oa tsamaea holima metsi, 'me tšobotsi eohle ea fetoloa; ho tsoa tšenyehong e tletseng, ho isoa tšimong ea Edene. Ao ke Matla a Molimo a fetolelang, a ka nkang ntho e seng letho le ho e etsa ntho e babatsehang. Matla a Molimo a fetolelang!

³⁹ 'Me re utloisia, ka ho bala Mangolo, ho thoe Molimo o nkile lilemo tse likete tse tšeletseng—tšeletseng ho hlophisetra Edene ena. Joale, mohlomong ha A qeta nako e kaalo; ke ho hakanya feela, le ho e qotsa Lengolong moo Le itseng "letsatsi le le leng ho Molimo, le lekana le lilemo tse sekete lefatšeng," ke ho re, haeba Molimo o ka bala nako. 'Me ho itsoe O nkile lilemo tse likete li tšeletseng ho etsa lefatše, 'me holima lefatše a jalile lipeō tsohle tse molemo. Ntho eohle mono e phethahetse feela.

⁴⁰ Ha ke nahana, hangata, baseholli ba bangata ha ba qala ba bua ka Buka ea Genese, ba qala ba E nyatsa, e ka re E Ipheta khafetsa, kapa e u lahlela kantle mona le mane.

⁴¹ Empa holane re ka elelloa nakoana feela, pele re kena therōng ea rōna, ho thoe, Moshe o bone pono. 'Me Molimo o buile le eēna. Molimo o buile le Moshe sefahleho le sefahleho, molomo ho isa tsebeng. Joale, ha A eso bue le motho ofe ka mokhoa oo, joaloka ha A entse ho Moshe. Joale, Moshe o ne a le moholo, e mong oa ba baholo ho baporofeta bohole. E ne e le papiso ea Kreste. 'Me joale Molimo o ka bua, O na le lentsoe. Le kile la utluoa. Molimo o ka bua.

⁴² 'Me Molimo o ka ngola. Molimo o ngotse Melao e leshome ka monoana oa Oona ka Seqo. O ngolile marakong a—a Babilona, ka monoana oa Oona. Oa inama oa ngola lehlabatheng khetlo le leng, ka monoana oa Oona. Molimo o ka bua. Molimo o ka bala. Molimo o ka ngola.

⁴³ Molimo ke Seliba sa mohau ohle le Matla, 'me bohlale bohole bo Khethhehileng, bo ho Molimo. Ka baka leo, ka ho tseba seo, Ke 'Mopi a inotši ea leng teng. Ha ho 'mopi e mong ha e se Molimo. Satane a ke ke a bopa, ho hang, o mpa a khopamisa se seng se hloliloe. Empa Molimo ke 'Mopi a inotši.

⁴⁴ Ka baka leo, O bopile ka Lentsoe la Oona. O rometse Lentsoe la Oona. Ka hona lipeō tsohle tseo O li behileng holim'a lefatše, O forommé lipeō tseo ka Lentsoe la Oona ka Seqo, ka hobane ho sa ka ha fumanoa letho ho etsa lipeō tseo ka lona. O ne a li behile, 'me li le tlaz'a metsi. O boletse feela, "Ho be le sena, 'me le same se be teng."

⁴⁵ Joale re fumana seo, hangata, Bibebe e bonahala e ipheta kapa e bua seo E sa se bueng. Ho tea mohlala, ho Genese 1 re fumana seo, "Molimo o bopile motho ka setšoantšo sa Oona ka Seqo, ka setšoantšo sa Molimo Oa mo bopa; e le e motona le e

motšeħali Oa ba bopa.” ’Me O tsoelapele, ’me lintho tse ngata tsa hlaha holim’ a lefatše.

⁴⁶ Re ntano fumana, ho se motho ea lemang mobu. “Ebile Molimo o bopa motho ka lerole la lefatše.” Eo e ne e le motho ea fapaneng. “Me Oa bululela ka ho eèna moea oa bophelo, ea eba moea o phelang.”

⁴⁷ Motho oa pele o ne a le setšoantšong sa Molimo, e leng Moea. Johanne 4, e re, “Molimo ke Moea, ’me ba O rapelang ba tšoanelia ho O rapela ka Moea le ka ’Nete.” Empa Molimo ke Moea. ’Me motho oa pele, eo O mo bopileng, e ne e le motho oa moea, ’me o ne a nkile setšoantšo le setšoano sa Molimo.

⁴⁸ ’Me eaba O beha motho enoa nameng, ’me motho a tlola. Eaba Molimo o theoha a nka setšoantšo sa motho, hore A tle a lopolle motho ea oeleng. Ke eona pale ea makoma ea Evangelii, ho ea ka ’na—ho ea ka mohopolo oa ka.

⁴⁹ Joale, Molimo, ka lilemo tse likete tse tšeletseng, ke ha o lemile lipeō tse khabane tsena tsohle, kapa Oa bua Lentsoe la Oona. “Ho tla ba ka tsela *ena*. Sefate *sena* se tla hlaha. *Sena* se tla hlaba.” Ntho e ’ngoe le e ’ngoe e ne e phethahetse. E ne e le molemo. ’Me Oa laela peō e ’ngoe le e ’ngoe ea tseo ho ba teng, li tla iphetolela ho semela sa mofuta oa bophelo boo Lentsoe la Molimo le se boletseng ho ba sona. Haeba e ne e le sefate sa eike, se ne se tla beha eike. Haeba e ne e le palema, se ne se tla beha palema.

⁵⁰ Hobane, ’Mopi e moholo o ne a rometse Lentsoe la Oona feela, ’me Lentsoe peō la eba teng mono le pele peō ea mannete e ka forongoa. ’Me Lentsoe la foroma peō. Ua bona, “U entse lefatše ka lintho tse sa bonahaleng.” Ua bona, O—O entse lefatše ka Lentsoe la Oona. Molimo oa hlahisa lintho tsohle ka polelo.

⁵¹ ’Me e re ka ha e le Molimo, ’Mopi, o hlahisang tsohle ka polelo, e tšoanetse e be ebile lefatše le phethahileng. E ne e le e—e tulo e ntle. E ne e le e—e paradeise ea makhonthe mona holim’ a lefatše.

⁵² Joale, joaloka, tulo e ’ngoe le e ’ngoe e tlameha ho ba le ntlukhōlō nq’ a e ’ngoe. Seboka sena se na le lintlukhōlō, le khaolo ena e na le lintlukhōlō, le kereke e na le lintlukhōlō. ’Me Molimo o na le lintlukhōlō. ’Me ka hona tulo e khōlō ena, sechaba sena seo re phelang ho sona, se na le lintlukhōlō tsa sona. ’Me Edene e khōlō ena ea fuoa lintlukhōlō, ’me lintlukhōlō tsa hlonga tšimong ea Edene, kapa Edene, ka bochabela ho tšimo.

⁵³ ’Me Molimo oa beha holim’ a sena, ho busa popo ea Oona eohle e khōlō mona holim’ a lefatše, mora oa Oona le monyaluoa oa mora oa Oona, Adama le Eva.

⁵⁴ Molimo e ne e le Ntata Adama. “Adama e ne e le e . . . mora oa Molimo,” ho latela Mangolo. E ne e le mora oa Molimo.

⁵⁵ 'Me Molimo oa mo etsetsa molekane, ea tsoang 'meleng oa hae; mohlomong lehopo le holim'a pelō ea hae, a tle a be haufi le eëna, 'me oa mo etsetsa molekane. Le joale e-so be mosali oa hae, hakaalo ka ha le eëna e ne e-so be monna; Oa mpa oa e bua feela. 'Me bothata bo hlaha hona moo, Satane o mo fumane pele ho Adama. Ka hona, e le Lentsoe la Oona feela leo O le buileng.

⁵⁶ Ke rialo, ha ke batle ho sebelisa nako e ngata ho eona. Empa ba bang ba lõna le ka ferekana hanyenyane, haholo batho ba bang ho tsoa holimō koana—koana Boroa, taba ena e bonahala e ba ferekanya nakoana, ea Molaetsa oo ke o fumaneng ho Molimo kajeno, ho isoa bathong, maloka le peō ea nōha. 'Me ke khutlela hae, ha Morena a ratile, le leng la matsatsi ana, ho ea Jeffersonville. Ke batla molaetsa oa lihora tse tšeletseng, le ho batalatsa eohle, ua bona, o tla fuoa tšobotsi eo le tle tsebe seo re buang ka sona. 'Me ke HO RIALO MORENA. 'Me e tiile hakaalo ka ha E bone Khaitseli Florence oa rōna pele a tloha, lilemo tse 'maloa. Ua bona, Ke 'Nete. 'Me joale, rōna, mohlomong e utloisisoa ka phoso.

⁵⁷ Hola motho a ka tla ho 'na, ntho e khahlano, nka tšoha ke e utloisia ka phoso, ka bona. Nke ke ka batla ho nyatsa seo mang a se buang. Ha rea tlameha ho nyatsana. Ha ke molato oa taba eo; ke leboha Morena. Ke nyatsitse sebe le ho se lumele; empa e seng motho ka bomong, ua bona, ha ke—ke etse hoo. Rōna re—rōna re baena le likhaitseli, ba loanang ka matla, re theohela moo Khaitseli Florence a fihlileng teng maobane hoseng, ua bona. Eëna, rōna, bohole re tlameha ho fihla nqa eo. 'Me ha se morero oa ka ho—ho nyatsa moena kapa khaitseli ea sa lumellaneng le uena. Che, taba eo e be hole le 'na! Ha ke lumele le tla fumana teipi moo nkileng ka bitsa lebitso la motho. Etsoe, khafetsa ke utloile motho a le phoso, empa ke taba e lipakeng tsa bona le Molimo. Empa se leng phoso, ka mokhoa oa sebe le... 'Me ho utloisia ka phoso ka linako tse ling ha se sebe, e mpa e le ho se utloisisane ha batho. 'Me ke—ke hopola e mong le e mong a lōkela ho hlalosa kutloisiso ea rōna.

⁵⁸ Joale eaba 'Mopi e moholo enoa o beha mora oa Hae ea bopiloeng. Joale, Adama e ne e le mora oa Hae ea bopiloeng pele. Jesu e ne e le Mora oa Hae ea *tsoetsoeng*, ua bona, O ne a tsoaloe ke mosali. Empa Adama o tsoile letsohong la Molimo ka kotloloho, popong.

⁵⁹ Joale lintlukhōlō, mora oa Hae—oa Hae le monyaluoaa oa mora oa Hae ba behiloe holim'a eona, e bonahetse e phethahetse hona. Ho ne ho behiloe e—e monna, hlooho ea eona eohle, mora oa Hae ka Seqo le monyaluoaa oa hae.

⁶⁰ 'Me peō eohle e phethahetse, lipalema, le lieike, le joang, le linonyana, le liphoofofo. 'Me ntho eohle e ipapisitse le Molao oa Molimo ka phetheho, "Se fetole tlhaho ea hao. Haese ho hlahisa ea mofuta oa eona, peō e 'ngoe le e 'ngoe! Eike, u se ke

ua khopamisetsoa ho sefate sa paupau le ka mohla.” Ua bona? “Palema, u se ke ua khopamisetsoa nthong e sele. Empa peō e ‘ngoe le e ‘ngoe e hlahise mofuta oa eona!” ’Me O ne a—O ne a e behile leihlo ka linako tsohle.

⁶¹ ’Me O ne a buile Lentsoe. ’Me Matla a Hae a maholo a ne a bopile lintho tsena tse hlahileng, ’me esita le monna le mosali. ’Me e le hlooho ka ha e le . . . e ne e le moholo oa merabe eohle. ’Me A ba beha tlas’ a eona tlhokomelo eo A behileng lifate tlas’ a eona, liphoofolo, le joalo-joalo: Lentsoe la Hae. Ha ba tšoanelala le ka mohla, le ho leka, ba tsole Lentsoe leo. Ba tšoanelala ho lula Mono. “Le se ke la tlosa letho ho Lona, kapa ho eketsa letho ho Lona! Le tšoanelala ho phela ka Lentsoe lena.”

⁶² ’Me holane tlhaho eo ea itulela joalo, Khaitseli Shakarian a ka be a sa ikela hoseng hona, holane ea itulela joalo, moruo o moholo oa Molimo! ’Me re lumela re habile nqa eo hape. Re khutlela lethebeng leo, tulong eo.

⁶³ Hoseng hoo ha bosupa, eitse ha Molimo o e shalima eohle, O itse, “E molemo. Ke—Ke e thabetse. Yaa, Ke—Ke—Ke thabetse hoba Ke e entse. ’Me joale ntho eohle e tlas’ a taolo. ’Me Ke behile tšepo ho mora oa Ka le ho mosali oa hae, hore—hore ba tla (ho ba beha hlooho ea eona eohle), hore ba ne ba tla e lisa eohle le ho hlakomela hobane e itoketse, hore sohle se tla hlahisa se sa sona. Joale o ruile matla a ho etsa hoo.” Eaba Molimo o re, “Be, haeba e lōkile hakana eohle, ’me e ke ke ea fetoha letho lesele, hobane ke takatso ea Ka ka Seqo. E kamoo Ke e batlang kateng. ’Me Ke e buile ka mokhoa oo, ’me Mantsoe a Ka a e hlahisitse kamoo Ke neng ke e batlile. ’Me ke eona eo. Ntho eohle e ntle!” Ka hona Bibebe e itse, “Molimo oa phomola ka letsatsi la bosupa, mesebetsing eohle ea Hae.”

⁶⁴ ’Me ntho eohle e le tlas’ a taolo, ho hlahisa se sa eona. Joale hopolang, “ho hlahisa.” Mohla A na a beha peō lefatšeng, peō e ka hlahi feela ka matla a bophelo bo ahileng ka ho eona, ho e fetolela ho tsoa ho peō ho ea ho semela, kapa seo e neng e le sona. Matla a Hae a fetolelang! Joale, Molimo o behile peō ka mono, e ruileng bokhoni ba seo A e boletseng e tla ba sona. ’Me ha feela e ituletse maemong a eona a lōketseng, e tla ba seo Molimo a e boletseng e tla ba sona hantle. E ne e tlamehile joalo, ka hobane A e entse ka tsela eo, le ho etsa kanale. Hore, ntho efe e lulang kanaleng ea Hae, mocheng oa Lentsoe la Hae, e tla lōkela ho hlahisa hantle seo Lentsoe la Hae le e boletseng e tla se etsa. E ke ke ea sutha mono. E kentsoe kanaleng hantle feela. Ka hona, eaba ntho eohle e behiloe tsepang ea mora oa Hae ka Seqo, ha thoe e tla ba ka tsela eo, ebile Molimo o re, “Sohle se molemo, ha ho le joalo Ke tla phomola. ’Me e ‘ngoe le e ‘ngoe ea lipeō e na le matla ka ho eona, ho iphetola mofuta oo Ke e lakaletsang ho ba ona. Ke sona seo e tšoanelang ho ba sona, hobane Ke neile peō e ‘ngoe le e ‘ngoe matla a ho fetoloa, ho ipopa ho tsoa ho eona,

ka bokhoni ba eona joale ho iketsa hantle seo Ke batlang hore e be sona."

⁶⁵ Molimo ha o e-so fetohe le ka mohla. Le kajeno O itšoanelā le mohlang oo! Molimo o ikemisetsa ho etsa ntho. O tla e etsa. Ha ho letho le tlang ho Mo thibela. O tla e etsa!

⁶⁶ Joale hoba e hlophisoe eohle ka makhethē le ka taolo, Molimo oa kholiseha hobane sena sohle se tla itokela, 'me eaba, hoba A etse hoo, ebile sera se a kena. Ke tlil'o... Molimo o abile matla a ho fetolela. 'Me thaka lena ke tla le bitsa, le matla e seng ho—ho bopa hape, empa kea... O ne a ruile matla ho holofatsa, e seng ho fetolela; empa ho holofatsa. Joale, ntho efe e holofalitsoeng e suthisitsoe boemong ba eona ba sethato, phoso e hlahile ho eona.

⁶⁷ Lilemo tse 'maloa tse fetileng, hlahlobong, ha ke parola masimo a poone, ha ke hopola, lekala le ne le khethutsoe sefateng, la oela holim'a tlhaka ea poone. 'Me tlhaka e ne e leka ka matla ho ema tsoe joaloka ha e tlamehile, empa e ne e holofetse hoba ntho e etsahetse. 'Me thupa e robetse holim'a eona.

⁶⁸ Re ntano fumana lengoarapela le hlaha tšimong. Etsoe, bongata ba lōna banna mona, mohlomong le lōna basali ba bang... haeba le tsoa Kentucky. Mono basali ba sebelisa mohoma o hlaolang joaloka monna, ba tsoa ba kena koana tšimong ka e—ka mohoma o hlaolang, re o bitsa mohoma oa molala oa letata, 'me ho hlaoloa e—e mangoarapela. Hoba, haeba u sa fothole mangoarapela ao, moo poone e lenngoeng temeng, ka tsela *ena*, lengoarapela le a nanabela, le qhautsa poone eo, le ikharela ka eona butle, habobebe, ka bonokoane, u ka re ha le ithatele. 'Me qetellong le a inatlatatsa le a inatlatatsa, 'me le hula poone eo ho fihlela e holofetse. Le a ithatela, le itšopa le e hulela kutung ea lona; le e holofatsa ho tsoa ho seo e neng e le sona, ho fetoloa nthong e sele. Koana ke poone, empa ke poone e holofalitsoeng.

⁶⁹ 'Me le rōna re sa nkile setšoants̄o sa Molimo. Empa ba bang ba holofalitsoe hakana, joaloka bara ba Molimo, ba tsamaea khahlano le Lentsoe la Hae le tsela eo—eo A re baletseng eona le ho re hlahietsa ho tsamaea ho eona. Ho hloma se seng, lefatše le re sothahanya le re ntša tseleng, le re hulela haufi le lona, ho re faposa tselana e tšesane, e otlolohileng eo A re lemileng ho eona, ho ba bara le barali ba Molimo. Sebe se entse bobo bona ho bara le barali ba Molimo.

⁷⁰ Moholofatsi! Kea tseba ho a makatsa ho e bua ka mokhoa ona, "ho—ho holofatsa," empa e ne e le ntho eo; o ile a holofatsa, kapa ho khopamisa. *Khopamisa* ho bolela "ho fetoloa, ho etsoa ntho e fapaneng." 'Me holofatsa ke ntho e tšoanang, e tlisitsoe ea ntano holofatsoa, 'me "ea etsoa ka mokhoa o mong." Koana e sa le peō e tšoanang, empa e holofalitsoe.

⁷¹ Joale re fumana moholofatsi enoa le eèna a nkile nako e kaalo, ho holofatsa, le ea Molimo ho fetolela. Joale o lemile peō ea hae, kapa, ha a lema peō ea hae, eèna . . . tšimong ea Edene. Ho tloha nakong eo, o qetile lilemo tse likete tse tšeletseng ho holofatsa Peō ea Molimo, Lentsoe la Molimo; ho Le holofatsaa, ho Le etsa ntho e fapaneng; mohla a . . . khetlo la pele ha Eva a ne a mo mamela, 'me a itholla poleloana e le 'ngoe feela.

⁷² Hopolang, qalong Satane o qotsitse Lengolo leo ka ho hlaka ho ka etsoang, "Molimo o itse, 'Le se ke la ja sefate se seng le se seng sa tšimo ea Edene'?" Ua bona? "Le se ke la ja sefate se seng le se seng?"

⁷³ 'Me joale hopolang, Eva o itse, "E, re ka ja sefateng se seng le se seng; ntle le sefate se bohareng ba tšimo, ha rea tšoanelia le ho se ama." Joale le mo bee leihlo, ka molaetsa oa hae, Lentsoe leo le sothoaa hanyenyane feela. Ka ho re . . . Eva o itse, "Hoba Molimo o boletse, ho itsoe, ha re etsa sena, mohlang oo re tla 'shoa.'"

⁷⁴ O itse, "Oh, ruri le ke ke la shoa." Ua bona, e ne e le e—monna, o itse, "Uena, uena u ka etsa sena hona joale. 'Me, uena, le batho ba se nang temoho. Lōna, ehlile, ha le tsebe lintho tsena tsohle. Empa holane la ja sena, le ne le tla ba bohlale, le tla ba le tsebo. Le tla tseba ho khetha botle le bobe le be joaloka melimo, lōna, holane la nka kabelo bohlaleng bona ba ka. 'Na kea tseba, empa lōna che."

⁷⁵ Etsoe, ho itoketse ho ba bohlale. Empa efèla ha bohlale bo le khahlano, efèla ha bohlale e se bohlale bo nèpahetseng bo tsoang ho Molimo, bohlale bo Mokhethoa, 'me e ba bohlale ba tlhaho; ha ke tsotelle na re ruile saense e kae, le eng hape, kapa thuto, ke ea devele. Ke tla le kholisetsa eona, ha Morena a ratile, metsotsong e 'maloa. Ke ea devele.

⁷⁶ Tsoelopele ke ea devele. Ke sa tsoa phethela therò eo. Filosofi eohle lefatšeng, matla ohle a saense, le tsohle, ke tsa devele. Ke evangeli ea hae a e rerileng, ea tsebo, tšimong ea Edene. 'Me o nkile tsebo eo, tsebo e khopameng, khahlano le Lentsoe le thato le leano la Molimo. 'Me joale o qetile lilemo tse likete tse tšeletseng ho kopitsa Molimo hantle, feela ka mokhoa o khopameng, le ho qeta nako e lekanang ho sotetsa Edene ea hae. Joale o theile Edene mona lefatšeng, 'me e phophoma bohlale, tsebo. E ne e le evangeli ea hae tšimolohong, tsebo, bohlale, saense. Molimo ha o eso sekamele ho tse joalo le ka mohla. 'Me ke—ke batla le shebe motsotsa. O entse sena, ka hobane e ne e le monna oa bohlale ba lefatše.

⁷⁷ Joale, ho thata ho bua sena. Ho—ho thata haholo, ka ha u buisana le batho ba maikutlo a tšoanang le a ka, le ka mokhoa oa ka lilemong tse ngata. Empa ho qala ka pulo ea Litiiso tse Supileng tseo, tsa Mangeloi ao ka morao ho thaba koana, *Ena* e fetohile Buka e ncha. Ke lintho tsee esale li patiloe, li senoloa joaloka ha Molimo o tšepisitse ho Tšenolo 10, O tla e phethisa.

'Me re batho ba fuoeng monyetla bao Molimo o ba khethileng, ba lefatšeng, re tle re bone le ho utloisia lintho tsena; etsoe ha se khopolotaba ea mofuta, ea kelello ea nama ea motho e lekang ho iqapela. Ke Lentsoe la Molimo le bonahetseng, le pakiloeng, hore Le lōkile. Ho kholisoa, e seng ka saense; empa ke Molimo, hore Le nèpahetse. Molimo, mokana ke buile pele molaetseng, Molimo ha o hloke mang ho toloka Lentsoe la Oona. Ke Toloko ea Oona ka Seqo. O e tlaleha e tla etsahala, 'me e a etsahala. Hoo, O—O a e thasisetsa, hoo ho a e toloka.

⁷⁸ Lilemo tse 'maloa tse fetileng mohla, rōna batho ba pentekosta, mohla e—e likereke tse ling li re tlalehang re "hlanya," rōna "re ke ke ra khona, Moea o Halalelang e ne e le ntho e fetileng." Empa re fumana tsepiso ea Molimo e ne e baletsoe mang le mang ea batlang, 'me joale re tseba ntho e fapaneng. Ua bona, 'me mono ke hanyane ka hanyane, ntho ena e butsoe.

⁷⁹ 'Me joale O tsepisitse ha thoe liphiri tse neng li patuoe ka har'a lintho tseo, mengoaha eo eohle ea kereke, li tla senoloa hantle nakong ea qetelo. 'Me joale O a re tsebisa. Re nakong ea qetello. Re fihlile mona hona joale.

⁸⁰ Joale, Satane ke moqapi oa tsoelopele. Ke moqapi oa saense. Ke moqapi oa thuto.

U re, "Na ke 'nete eo?"

⁸¹ Ho lōkile, ha re baleng Lentsoe la Molimo joale, Genese 4, 'me ha re khutleng 'me re bone motsotsa feela. Kea tseba nka tšoha, haeba nka ba molelele, Moena Carl mohlomong o tla ntsebisa. [Motho o re, "Ho itōketse."—Mohl.] Empa, Genese, khaolo ea 4, le temana ea 16, e tsoelapele e a bolela mona, tšimolohong, seo Molimo o se entseng ka bolaoli, ho lihela thohako holim'a monna le mosali, le sohle seo ba neng ba tla se etsa; 'me e se *ho* lihela thohako holim'a bona, empa ho ba bolella se neng se tla etsahala, le ho rohaka mobu sebakeng sa Adama. 'Me mona rea fumana joale, Eva o fumane para ea mafahla. 'Me le leng ho ona e le la Satane, 'me le leng la ona e le la Molimo.

Joale u re, "Oh, che! Che. Joale, Moena Branham!"

⁸² Motsotsa feela. Mphumanele Lengolo le le leng, nqa efe, le reng Kaine e ne e le mora oa Adama. Ke tla u supisa Lengolong moo Le reng, "Kaine e ne e le oa e mobe," e seng Adama.

⁸³ Joale lemoha mohla a neng a emola mona. Re qala ka khaolo ea 4, pele.

Eaba Adama o tseba... mosali oa hae; a emola, a tsoala Kaine, a re, Ke iphumanetse... o boletse joale, ke fumane mora ho tsoa ho MORENA.

⁸⁴ Hobo, ehlile e ne e tlameha. Leha e ka ba seotsoa kapa ntho efe, e ne e tlamehile ho tsoa ho Molimo, ua bona, hobane eo ke peō ea Hae, ke molao oa peō ea Hae, e tlameha ho hlahisa le haeba e

le peō ea senyehileng, peō e khopameng, kapa e ka bang eng. E tlameha ho hlahisa, le hona. Ke molao oa Hae.

A boela a tsoala moena oa hae Abele.

⁸⁵ Ha a ka a hlola a mo tsebile. Adama o tsebile mosali oa hae, 'me a tsoala Kaine a boela a tsoala Abele, mafahla. Satane o phetse le eēna hoseng hoo, Adama thapama.

⁸⁶ Le bona khang e khōlō pampiring mona, kea kholoa, mane Tucson joale, ea mosali eo ea tsoetseng ngoana oa 'mala le ngoana e mosoeu, hang. O phetse le monna oa hae hoseng hoo, le monna eo thapama eo. 'Me monna o ne a batlide ho hlokomela, monna e mosoeu o ipoletse a tla hlokomela ngoana oa hae, empa monna oa 'mala o tla lōkela ho hlokomela oa hae. Ua bona? Ke tseba taba eo, tsoalisong ea lintja le lintho tse joalo, e sebetseha joalo ruri, haeba e le lihora tse 'maloa hamorao. Taba ena e a e kholisa.

⁸⁷ Joale ho bontša mothapo oa tsoelopele, joale ha re baleng Genese ka mona, khaolong ea 4 ea Genese hape, le ho bona mono. Temana ea 16.

Eaba Kaine o tloha pel'a sefahleho sa Molimo, a ea aha naheng ea Node, ka nqa bochabela ho Edene.

Kaine a tseba mosali oa hae; 'me a emola, a tsoala Henoke: a aha motse, 'me a o rea lebitso la motse, ka... mora oa hae, Henoke.

⁸⁸ Tsoelopele e ile ea qala. Ngaka Scofield, mona Bibeleng ea ka ea Scofield, e re, "Tsoelopele ea ho qala." Lemohang, eaba o tsoala bara, 'me ba qapa liogono le 'mino. Ea latèlang a tsoala bara, 'me a qala a etsa lintho tse ling, meeka, ho aha metse, le—le ho qapa liletsa tsa borase, le lintho tsa mefuta eohle. Ua bona, ke seo a se entseng, e bile tsoelopele ea ho qala, e ne e le Bakainate. O sebelitse ka ho tsoana ho theoha le mengoaha.

⁸⁹ Joale ha re qaleng mono ka temana ea 25, re shebe ntho e latèlang.

'Me Adama a boela a tseba mosali oa hae, joale, a tsoala mora, a mo rea lebitso la Setha: Hoba Molimo, o itse, o se a nkhethetse peō e sele sebakeng sa Abele eo ea bolauoeng ke Kaine.

'Me Setha... 'Me ho Setha, ha tsoaloa mora; 'me a mo rea lebitso la Enose: 'me batho ba qala ba bitsa lebitso la MORENA (ho tsoa lesikeng la Setha, e seng ho tsoa lesikeng la Bakainane).

⁹⁰ Ua bona, bohlalefi bo boholo boo bohle re itšoarellang ka bona! Bokomonisi kajeno ke'ng, molimo oa bona ke'ng? Ke bohlalefi, saense. Re ntse re etsa'ng, le hona? Re phela kae? Nahanisia mantsoe ana kajeno.

⁹¹ Joale o theile Edene ea mofuta oa hae, eo ke Satane joale. Lilemong tsena tse likete tse tšeletseng, o foromme (e seng ho bopa), empa, o holofalitse lefatše lohle la Molimo; lihlōliloeng tsa hae, liphooftolo, ho hoelisa, ho tsoalisa; lifate, limela, ngoana motho; esita le ho fihla borapeling, Bibebe, kereke; ho fihlela a ithehetse tšimo ea Edene e tletseng, ea saense, ntho eohle e khatha tema ka saense. Makoloi a rōna, sohle seo re se ruileng, re se filoe ke saense, seo motho a se entseng. 'Me mona o theile Edene ea hae e khōlō; ho paka hobane Molaetsa o nakong, ho paka hobane ha se mongoaha o mong empa ke Tšenolo 10! Shebang ho tsoalisa kajeno, ho etsa ho betere, kapa, ho hotle ho feta, e seng ho betere. Le shebe bana kajeno.

⁹² Ke ne ke isitse morali oa ka ho bona ngaka ea meno, maobane, 'me o itse meno a hae a pelekana. Moena tlase koana Tucson, Moena Norman, o ne a isitse moralinyana oa hae, 'me meno a hae a ne a tsoetse kantle. 'Me ngaka eo ea meno e re kapele, e a lumela, ha thoe mohlomong mehengleng e tlang, batho ba tla tsoaloa, meno a hlahile ka boithatelo ba ona. Ke lijo tseo re li jang, lijo tse futsoetsoeng.

⁹³ Na le balile *Reader's Digest*, khoeli e fetileng, ka Billy Graham, moevangeli oa sehlooho? Na e sa le mo mametse? Hona joale ke mo rapella ho feta pele. Mohla a na a qoqa le lik'holloro tseo tse fetoletsoeng, le lintho tse joalo, bosiu bo bong, a tsolela tšebeletso eo ea bolisa maqa. O hlahetsoe ke ho hong. Le leng la matsatsi ana, kea tšepa o tla bona malulo a hae moo a leng teng, lemohang, joale o hlaba mokhosi ho tsoa Sodoma, motse o khopameng oo. 'Me joale lemohang taba ena ho *Reader's Digest*, Billy o ne a tšerema hakana a sa khone le ho tšoara likōpano tsa hae. 'Me ba 'moleletse a tlameha ho matha, ho ikoetlisa, le joalo-joalo. Ka baka leo o matha meile letsatsi ka leng, kea kholoa, kapa ntho e 'ngoe, ho ikoetlisa.

⁹⁴ Motho o bolile. Mofuta ohle oa motho o bolile. Ntho eohle e itšoanelia le mohla pele ho moroallo. E ferekane ka botlalo, e hlaname, e fapohile mophula o otlolohileng oo Molimo a li lemileng ho ona. Sebe, ka saense le ka thetso, se sothile morabe ohle oa motho.

⁹⁵ Na le boetse la bala katlasana ho seratsoana seo, moo ho itsoeng, "Matsatsing ana, banana ba banyenyane le bashanyana ba fihla lilemong tsa bona tsa bohareng, ho latèla moloho oa 'mele, lipakeng tsa mashome a mabeli le lilemo tse mashome a mabeli a metso e mehlano." E nahanneng.

⁹⁶ Temohong ea moea bosiu bo bong, ke thulane le ngoanana oa lilemo tse mashome a mabeli a metso e 'meli, a se a kene menophose, ka mo bitsa. 'Me e ne e le seo ngaka ea hae e 'moleletseng sona.

⁹⁷ Ua bona, ke hona ho putlama, ho nyehla, moloko o bolileng o habileng liheleng. Kea tseba e utloahala e sa tšoanelehe, empa

e lumellana le Bibele, ua bona, hore ke 'nete; le morabe ona oo re phelang ho ona, moloko oa batho bana.

⁹⁸ Joale lemohang kajeno, ho tsoalisa makhomo, ho tsoalisa limela; 'me saense e boela e khutla, eona saense e etsang hoo, e re, "Ke sona se timetsang morabe ohle oa motho." Le e balile joaloka 'na. Be, hobaneng ba sa e khaotse? Hobane ba ke ke ba khaotsa. Lentsoe la Molimo le e boletse e tla ba joalo. Empa holane ba ka e nahana motsotso, bao ke lisebelisoa, joaloka Judase Iskariota, ea phethileng seo Molimo o se boletseng se tla hlaha. E sebetsa joalo holim'a motheo oa saense ea bona.

⁹⁹ Ka patlisiso ena ea saense, ka eona paterone eo a thetsitseng Eva, o boetse o thetsitse kereke, etsoe Eva e ne e le papiso. Joale, joale mono Adama ke papiso hape, kapa Eva, ke rialo, ea kereke, lemohang seo e se entseng. Ka baka la ho lelera ho batla tsebo, o tselia mola o lipakeng tsa botle le bobe, ka ho mamela khopamiso ea Satane, kapa kholofatso, ea Lentsoe la Molimo la tšimolohong.

¹⁰⁰ 'Me joale kajeno likereke li holofetse. Joale ha ke bue ka batho, ka bomong. Ke bua ka lefatše la kereke. E 'ngoe e sothiloe ka tsela e 'ngoe, le e 'ngoe e sothiloe ka tsela e 'ngoe, 'me, ke saense. Ka eona paterone eo a e entseng ka eona. O ntšeletse thorelo ea hae, Satane o entse joalo, ea Esaia 14:12.

¹⁰¹ Ha re e baleng motsotsa feela. Bukeng ea Esaia, ha re qaleng ka khaolo ea 14, temana ea 12.

*U oele joang leholimōng, Oho Lusifere, mora mafube!
U lihetsoe joang fatše, uena mohlasela lichaba!*

Enoa ke Esaia ea 'monang ka pono, ua bona, mongoaheng o tlangu ho tla.

*U ne u itse pelōng ea hao, ke tla nyolohela leholimōng,
ke phahamise terone ea ka holim'a linaleli tsa Molimo:
ke tla lula thabeng ea phutheho, . . . hona lingalong tse
ka leboea:*

¹⁰² Morero oa Satane, ho tloha Edene, e ne e le ho ikahela Edene ea hae ka seqo; le ho iphamisetsa holimō, e le hore linaleli tsa Molimo li tle li mo khumamele, bara ba ne ba tla mo khumamela. 'Me o hlile o e phethisitse joale, 'me o entse sena le ho se kenya kerekeng. Etsoe, nke ke ka e qhaqholla ka botlalo. Mang oa lōna ba mamelang liteipi tseo ba e tseba. Eo, ke eona hora eo re phelang ho eona hantle, 'me ke Satane ea e phethisitseng ka lenaneo la thuto, ho e lekantsa hantle, *sena* se molemo, *sane* se molemo. 'Me ha ba tsebe, ka linako tsohle, ba lukela hantle ba kena lefung. Lifofu, tse tataisang lifofu, baetapele ba foufetseng ba lichaba, baetapele ba foufetseng ba saense, baetapele ba foufetseng ba kerekeng, lifofu tse tsamaisang lifofu. Jesu o itse, "Ba tloheleng, ba tla oela selomong ba babeli."

¹⁰³ Mona le lemohe mofuta oa li-Edene tse peli ha li bapisoa 'moho, ho ka thetsang le eèna Mokhethoa. Mattheu 24:24 e boletse e tla etsa hoo. Empa ke batla re emise ho se ho kae feela ho nahanisisa li-Edene tse peli tsena, 'me ntho e le 'ngoe ka ho ikhetha, kamoo Bibebe e re bolellang hore Lentsoe la Molimo le hlahisitse Edene eo, le kamoo Lentsoe la Molimo le re lemosang ho thoe Edene e 'ngoe e tla fihla.

¹⁰⁴ Joale, re boetse re tseba Edene e 'ngoe e tlameha ho fihla, haeba re ka mamela moporofeta, Pauluse, ho Bathessalonika khaolo ea 2. Nka E bala ha le batla.

Ea iphahamisang; *letsatsi leo le ke ke la tla*, e leng la Morena, ho fihlela *monna eo oa sebe a senoloa*, . . .

. . . ea lulang tempeleng ea Molimo, *eèna* ea iphahamisang *holim'a hohle ho bitsoang Molimo*, le eèna joaloka Molimo a tle a khumameloe joaloka Molimo.

¹⁰⁵ E nahaneng! Joale Esaia 14, moporofeta o boletse a bone "Lusifere, pelöng ea hae," ka pono tlas'a pululelo ea Molimo, "ho itsoe o tla phethisa hoo." Ho Esaia, lilemo tse makholo a robeli pele ho Pauluse, kapa ha ho lekanngoa seo.

¹⁰⁶ Joale mona, lilemo tse makholo a robeli hamorao, Pauluse o 'mona, a lula setulong sa hae. Lemohang, e fihlela sehlohlolo, Edene ea hae; Edene ea hae ea saense, ka lefatše la hae la saense, ka monyalua-kereke ea saense, ntho eohle e tlas'a e—e lentsoe la "tsebo," liseminari tse khòlò, digarata tse khòlò, mananeo a thupello.

¹⁰⁷ Mamela, moena, khaitseli, e mong le e mong oa rôna o tla tsamaea tsela eo Florence a e tsamaileng. Kea le kôpa, ka Lebitso la Jesu, ho nahanisisa Sena. Ha se ho nahanisisa ka 'na. 'Na ke moena oa lôna. Taba eo, ha se eona. Nahanisisa Lentsoe leo ke le bolelang, la Bibebe ea Molimo. 'Me u shebe ka nqane, e nètefalisoe ka ho phethahetseng Lentsoeng la Molimo ka Seqo, mongoaheng oo re phelang ho ona, moo re leng teng.

¹⁰⁸ Mananeo ana a antikreste a tiile, ka boona. Joale, o tlameha ho thea Edene, o boletse a tla e phethisa. Lentsoe la Molimo le bonolo ke lena le mo tlaleha a tla e phethisa, 'me mona rea mo nyarela re 'mona a e phethisa. O e phethisitse ka bohlalefi ba hae, ba saense, ka monyalua oa bolumeli. O tlil'o lula hloohong, le leng la matsatsi ana, Lekhotleng la Likereke tsa Lefatše le tlang ho theoa. Bohle ba tla lula le eèna. Ho leka . . .

¹⁰⁹ Batho, ha se hobane e le batho ba babe; ba ne ba lenngoe mophuleng o otlolohileng, joaloka poone, empa Satane o jetse mangoarapela, a bitsoang saense, patlisiso, thuto, digarata tsa bongaka. Ka linako tse ling ha ba u lumelle sefaleng pele u ka hlahisa digarata tsa bongaka tse tsoang seminareng nqa e 'ngoe. Ntho eohle E phoso! E seng batho; ke lenaneo le phoso. 'Me joale e entse'ng? E fihletse sehlohlolo hape, 'me e sotelitse lefatše lohle

ka botlalo (ka mohlaba oa tsoaliso, khopamiso ea Peō ea Molimo ea tšimoloho) ho isoa tšenyehong e 'ngoe e lefifi.

¹¹⁰ Empa ke thabetse ha Molimo o boetse o re tsoteletse hakana, ha e le moo A khona ho tsamaea holim'a maemo. O tšepisitse A tla e phethisa, le ho bitsa mohlatsoana oona e be Monyaluoa oa Hae.

¹¹¹ Lemohang mona hape joale, tsela eo likereke tsena li bapisoang ka phetheho, kapa li-Edene tsena.

¹¹² Molimo, ka Peō ea Lentsoe la Oona! 'Me ntho e ka tsosang Lentsoe e 'ngoe feela, 'me ke Moea, hoba Ke Moaba-Bophelo ho Lentsoe. 'Me ha Bophelo bo leng Lentsoeng bo kōpana le Bophelo ba Moea, Bo hlahisa seo Peō eo e leng sona.

¹¹³ Joale lemohang se hlahileng. Tšimong ea Edene ho ne ho ren a moruo oa Molimo o hloka sekoli, 'me e ne e le leng la-la makhathé. Lekhathe la pele e ne e le ho hloka sekoli, batho ba sa tsebe sebe. Ba sa tsebe letho ka sebe. Adama le Eva ba le feela, empa ba siriloe nqa bofeela ba bona, ke lesira la moea holim'a sefahleho sa bona. Ha ba ka ba tseba hobane ba feela, ho hang, hobane ba ne ba patiloe. Hoba, lesira la Molimo le holim'a likelello tsa bona, ba sa tsebe seo bottle bo leng sona le seo bobo bo leng sona. 'Me ba eme mono ba le feela bobeli, taba e supang tsebo e ne eso ba fihlele, ua bona, hore ba feela. Para eo e ne e hlobotse 'me e sa tsebe.

¹¹⁴ Joale ha le ka phetla, ha le batla joalo, kapa ho e ngola fatše, ho Tšenolo, khaolo ea 3. Moea o Halalelang o lepa mongoaha ona oa ho qetela, ho Mongoaha oa Laodisea oa Kereke ea Pentekosta matsatsing a qetelo, O itse, "U feela, 'me u sefofu, 'me ha u tsebe."

¹¹⁵ Peō ea Molimo ke eo, tlasa ho hloka sekoli, e sa tsebe ka letho hoba e feela, tlas'a lesira la Moea o Halalelang, ho ba sira nqa sebe.

¹¹⁶ 'Me joale mongoaheng oa kereke ea ho qetela, re boetse re ba khaoletsa ba le feela, 'me ha ba tsebe. Empa ha se lesira la Moea o Halalelang. Ke lesira leo Satane a khurumelitseng Eva ka lona morao mane, lesira la takatso, lesira takatso. Ba nyonyeha hoo ba sa tsebeng hoba ba feela, basali ba rōna seterateng, ka lishotso, le ka mose o chachehisang nama.

¹¹⁷ Motho o nthomeletse sekotoana se tsoang pampiring letsatsi le leng, sa mose o mocha ona oo ba tläng ho apara, kea kholoa, li-inchi tse leshome le metso e mene ho tloha linokeng, kapa ho hong. 'Me kea ipotsa haeba basali ba rōna—haeba sechaba sa basali ba rōna se lemoha hobane leo ke lesira la takatso?

¹¹⁸ Joale u—u ka re, "Nka paka, pel'a Molimo, ha ke molato oa bofebe khahlano le monna oa ka, kapa ke—ke . . . sena sohle."

¹¹⁹ Empa leha ho le joalo, koana Kahlolong, u tla bitsoa “mofebi.” Bibele e itsalo. Jesu o itse, “Ea shebang mosali ho mo lakatsa, o se a mo febile pelōng ea hae.”

¹²⁰ “Sefofu, feela, ‘me ha ba tsebe!’ Ha se basali bao ba batho kantle mono; ha kea koetla letho kahlano le bona. Ke bobe boo! ’Me tsamaiso ea kereke e bonahala e sa e ele hloko kapa ho ema khahlano le eona; ho ba lumella ho poma moriri oa bona, ho tlola meikapo, le lishotso le lintho, tlas’ā lebitso la Bokreste. Ke ntho e tšabehang hakakang! Ua bona, ba boetse ba feela, ka har’ā Edene ea Satane, ‘me ha e tsebjoe. Ha ba e tsebe.

¹²¹ Kea lumela kea bona, mohlomong, ha ke sheba mona, letša la ho tola, basali ba teng kantle mono joale. Hola mosali eo a ka lemoha seo a se etsang, empa ha a tsebe. O feela. ’Mele oa hae o khethethile. O hlobola liaparo tseo Molimo a mo apesitseng tsona, ka lettlalo, bakeng sa moloko ona. Ha a phetse ho se khaola. O feela, tlas’ā lentsoe la “tsoelopele, thuto e holingoana, tsoepele e ntlaufetseng, likakanyo tse phahameng.” Ke mpe ke ikholise hore taba ena e a thophothela. Ntho eohle ke ea devele, ‘me e tla timetsoa ho Tleng ha Morena Jesu. E tla timetsoa, karoloana ka ’ngoe ea eona. Ho ke ke ha sala letho la eona.

¹²² ’Me, oh, motsoalle, ho haola le sechaba, joaloka ha u ’mametse mona Phoenix, nahana lintho tseo! U lutse mona tlas’ā tsona. Joale, Jesu o itse, “Ba ka thetsa Mokhethoa hola ho ka etsoa.”

¹²³ Moea oa pele e ne e le e...lesira la pele e ne e le lesira le halalelang, Moea o Halalelang, ’me o ne a sa tlameha ho nyarela ka nqane ho Lona. Empa e ne re ha—e ne re ha Satane a qala a qoqa le eèna ka tsebo, a tlameha ho hloelisoa nqa lefatše ho se ho kae.

¹²⁴ ’Me ke hantle seo morali oa hae, kereke, e se entseng. U tlameha ho bona, u tlameha ho apara joaloka khalala e itseng ea limovi, kapa banna ba bacha ba tlameha ho etsisa Elvis Presley kapa—kapa Pat Boone, kapa—kapa ba bang ba batho bao, tlas’ā lebitso la borapeli.

¹²⁵ Pat Boone ke oa Church of Christ. Elvis Presley ke Mopentekosta. Libopua tse peli tse hlohliloeng bademonia tse lihetseng lefatše tšenyehong e fetisang ea Judase Iskariota mohla a ekang Jesu Kreste. Ha ba e tsebe. Bashanyana bao ha ba tsebe seo. Ha kea koetla letho khahlano le bao—bao bashanyana, batho, ba futhisoa ke moea.

¹²⁶ Ke ho tšethemela nakoana ka nqa eane, e re lengoarapela leo le qhautse lekhapetla la koro eo, hang ka nako, sheba se etsahalang; ho felile ka poone eo. Oh, yaa, le se le e qetile. ’Me le tla sebetsa ka ho tšoana. Le tla etsa joalo ka linako tsohle. Eva o ne a tlameha ho nyarela hang feela lefatšeng.

¹²⁷ 'Me e re ke le bolelle taba, moena le khaitseli. Ho Johanne oa Pele, khaolo ea 2 le temana ea 15, re ka Le bala ha le rata, Bibele e re:

... *Ekare ha re rata lefatše*, kapa lintho tsa lefatše, ke hobane lerato *lerato la Molimo* le bile *le sa aha ka ho rōna*.

¹²⁸ Joale, lentsoe mono ha se *pitikoloho*; ke lentsoe la Segerike, ke *kosmos*, e bolelang "tsamaiso ea lefatše." E ka re ha le rata lifeshene tsa pitikoloho, lefatše, e ka re ha re rata mokhoa oa letsatsi, haeba re nahana "ena ke nako e khabane, oh, re fumana lintho tsen tsohle," haeba u nahana seo, ke hobane mohopolo oa hao o fosahetse. O khopamisitsoe ke devele. "Hobane e ka re ha u rata tsamaiso ea lefatše, le lintho tsa lefatše la joale, ke hoba lerato la Molimo le sa aha ho uena." Hopola seo. Oho Molimo! Le shebe seo re shebileng ka har'a sona!

¹²⁹ Mona ke batla ho emisa motsotso feela ho le phetela palenyana. Ke utloile moruti oa sesole sa Ntoa ea Pele ea Lefatše. Ba ne ba lahletse . . .

¹³⁰ Joaloka Satane tšimolohong, mohla a kenang tšimong ea Edene. O sitiloe ho epolla Lipeō tseo. Ha a khona ho li senya. Empa o li nyanalytse ka chefu, 'me ea holofatsa Peō, ha e a hlahisa se sa eona ka tšoanelo. Eba e holofatsa Peō ea tšimoloho.

¹³¹ 'Me ke seo mananeo ana ohle a borapeli a se entseng. Bao e sa le bara le barali ba Molimo, empa e holofalitsoe. Ba kena kereke, ba batla ho etsa ka ho lōka. Moitlami ha a itlame ho ba mosali ea lonya. Moreri ha a fehlelloe sekolong ho fetoha e—e—e monna e mobe. Ha u ingolise le kereke, le ho tsukutla matsoho, ho ngolisa lebitso la hao bukeng, kapa le ha u ka etsang kerekeng ea hao, ho ba motho e mobe. U e etsa ho ba motho ea lōkileng. Empa ke thetso, ke kholofalo e etsang hoo. Satane o e nyanalytse. Ūa bona? Molimo ha o eso thee mokhatlo le ka mohla. Ntho e joalo ha e fumanoe nqa efe Mantsoeng a Molimo.

¹³² Molimo ke mokhatlo oa rōna, re hlophisisitsoe ka ho Oona, 'Mele, ka ho Molimo, Leholidmōng. Ke hantle. Mabitso a rōna a Bukeng ea Bophelo ea Konyana. Lemohang.

¹³³ Empa, ua bona, kea tseba ho thata haholo, empa ke—ke batla le 'mamelle nakoana hape ka kōpo. Mehleng ea ntoa ea lefatše . . . Le ntšoarele ho fapoha tema ea ka.

¹³⁴ Empa ho etsa ntlha ena, ke—ke ne ke batlile ho le balollela hlophollo ea ka ea seo Satane a se entseng Edene: ho nyanyatsa chefu e tšabehang ea senyanyatsi. Na le ka rata ho tseba senyanyatsi seo? Nka le bolella. Ke tšoere motsoako oa sona, mantsoe a mabeli: ho se lumele, ho leng khahlano le tumelo, ho nyanyatsa ho se lumele, pelaelo. 'Me saense e koetse sekheo sa eona. Moo lehahla le setseng, le hlahileng kahara Peō, Satane o katile lehahla leo ka tsebo le saense le tsoelopele, 'me se holofalitse tsohle, tlholeho eohle ea Molimo.

¹³⁵ Kea tseba le nkuka ke le siea holim'a lekala, empa ke lutse le lōna holim'a lekala. 'Me bohole re mona re leka ho fumana seo re ka se etsang. Ha re bue lintho tseo ho fapania. Re tšoanelia ho tšepeahala.

¹³⁶ Rōna, e mong le e mong, re fihla qetellong ea tsela, moo re tla ikarabela ka lentsoe ka leng. Hona joale hantle, rea tseba mantsoe a rōna. . . Ha re tsoaloa, sello sa rōna sa pele se se nyenyane se hatisoa lebanteng. Se tla letsoa hape ka Letsatsi la Kahlolo. Esita le liaparo tseo u li aparang li tla hlaha pel'a sefahleho sa hao, ka Letsatsi la Kahlolo. Esita le saense e sibolotse hoo, ka thelebishene. Ua bona, thelebishene ha e etse setšoantšo, e se kenya mocheng feela. 'Mala oa liaparo, nako le nako ha u nka khato, mohopolo ka mong o kelellong ea hao, o bolokiloe rekotong ea Molimo ka bottlalo. 'Me ntho e khōlō eo e tla aloa hantle ka pel'a hao, o mong le o mong oa mese e nyelisehang u kileng oa u apara; nako le nako ha ou kena levenkeleng la ho kuta, ho kuta moriri oo Molimo a u fileng ona. E tla hlaha. U tla e arabela. U ke ke ua nka khato hantle mono, feela esita le mehopolo ea pelō ea hao ka nako ha u etsa hoo, e tla letsoa hantle pontšeng ea hao. Ebe u tla phonyoha joang? "Re tla phonyoha joang ha re sa ele hloko poloko e khōlō hakaalo?" Ua bona? Re ke ke ra phonyoha. Khato ka 'ngoe, 'me esita le mehopolo ea pelō, e hatisitsoe hantle daemensheneng e 'ngoe, esita le 'mala oa liaparo tseo u li apereng. Thelebishene, thelebishene ea 'mala e a e kholisa, e a e hotolla e a e bontša, ua bona, 'me mono ke daemensheneng e 'ngoe ho tse tharō tseo re phelang ho tsona. Ua bona?

¹³⁷ Joale kamoo chefu e teileng kereke, e teileng lefatše! Chefu ea Satane holim'a Lipeō, e phuntse mahahla ea e holofatsa. Hape le hape, o ntse a tebela botebong ba lipelō tsa likereke, le lipelōng tsa batho le ntho eohle, saense, saense. Ho fihlela moo morabe oa motho, ka ho futsoeloa. . . Ke lumela peō ka 'ngoe e tlameha ho hlahisa se sa eona. 'Me morabe ohle oa motho, le semela, 'me lintho tsohle lia futsoeloa, li re hohlomelitse tulong; ha re ja lijo tsa rōna ho tsoa lefatšeng, etsoe, mebele ea rōna, e futsoetsoe, mohopolo ohle oa rōna o kentsoe. . . Joale, efèla haeba mebele ea rōna e foforeha, ho qala ka lilemo tse mashome a mabeli ho isa ho tse mashome a mabeli a metso e mehlano, ka baka la disele tse oeleng boleng, ka baka la lijo tse futsoetsoeng, na ebe disele tsa boko ba rōna ha li phutlame boleng? Na ebe ha se disele, le tsona? Ke ka baka leo Ricky a beisang seterateng mona, ka tšepe ea hae e mollo; nakong eo Ricketta, bo-Elvitta, le ba bangata ba bona, joaloka ha re ka bitsa lebitso leo, ba thalang kantle mona ba apere halofo ea liaparo pontšeng ea batho, mehopolo e timetse, ho timme le kutloisiso ea maitšoaro a hloekileng.

¹³⁸ Ho khutlela palenyania ea ka. Moruti enoa oa sesole o boletse a ne a theohetse kokelong, a tlaleha bashanyana ba bangata hakana ba ne ba robetse ka tenteng, ba bang. . . A sa tsoa khutla

kantle. A re eaba o tsoela kantle mane, 'me ofisiri e mong a 'molella, ha thoe, "Moruti, re batla ho hlahloba kantle, ho sheba masimo kantle mane." Ke mohla ba neng ba lahletse gase ena e tsehla le tlelorine, eo ba neng ba ritetse matsatsing ao.

¹³⁹ Le ho re, "Ka fihla kantle mane, Moena Branham," ho re, "lekhapetla la sefate, ho sa sala le qoba la joang. E ne e le hoseng ha Paseka." A re, "Litanka tsa khale li shoahlamane tlase mono, ofisiri a tlameha ho ngola rekoto ea tsona, le ho bona haeba li ka etsetsoa letho, haufi koana le Argonne Forest." Ho re, "Ea re ke sa eme mono ke le mong," ho re, "Ka lelala, ho re, 'Oho Molimo, ntho eohle e tla finyella boemo bona.'" Ke hantle, ntho eohle e tla fihla. E ne e chele lore, ho se bophelo hohle, joang bo chele bohle; sefate, ke digase, lifate li shoele, ntho eohle e shoele, e sothahane, e leketlile, likulo le lintho li e phuntse masoba.

¹⁴⁰ Haeba e se pono ea lefatše kajeno, Satane o ntse a nyanyatsa ho se lumele ha hae, ho futsoela ha hae, saense ea hae, tsebo ea hae! Ho fihlela, seo e neng e le sona tšimolohong, mohla Molimo o behang Adama le Eva tšimong, paradise e ntle eo e se nang lefu, ho se maloetse, ho se mahlomola, 'me ntho eohle e tsamaea ka phetheho e ntle, shebang seo DDT ea Satane e se entseng! Ke tšenyeho. Ha ho sa le letho la eona.

¹⁴¹ A re, "Ka qala ka lla. Ka khutla, ka hohelo ke lefika." Ho re, "Ka ikela moo feela 'me ka sheba lefika leo, ka le phikolosa. Tlasa lefika e le palesa e nyenyane e tšoeu e melang, ntho e le 'ngoe feela e setseng, hobane e ne e itširile ka lefika."

¹⁴² Molimo, Lefika la ka, re sirenletse kajeno, Oho Molimo, mohla lichefu li fefohang hohle ka lebitso la saense le thuto. Re sirenletse. Mpaballe ho be ho fihle letsatsi leo, Oho Molimo, ke thapeleo ea ka. [Motho o buile kalaneng a re, "U se ke ua bala nako ea letho, Moena Branham."—Ed.] Joale ke tšepile rōna, e mong le e mong, a kene tlas'a Lefika leo, Kreste.

¹⁴³ Ke sa tsoa rera tsatsi le leng, bongata ba lōna le e utloile. Ke ne ke feta har'a meru, ho tsoma, 'me ka susumetsoa ho phethoha. 'Me ka sheba, 'me mono ho rapaletse k'hathunu e lephaka ea sikarete kapa sephuthelo, kapa le ka e bitsa eng. 'Me ke k'hampani, ha ke ikutloe ke tlameha ho bitsa lebitso la bona, empa k'hampani ea koae, ba ngotse lepetjo, "Sefe ea monna ea kelello, tatso ea monna ea tsubang."

¹⁴⁴ Ka qala ka theoha e—e ho kenella merung, 'me Ntho ea hula maikutlo a ka, "Khutlela pakana eo ea sikarete."

¹⁴⁵ Ka nahana, "Ntate oa Leholumō, ke theohela sefateng moo lihlora tseo li bopiloeng ke Uena ka puo, hoseng ho hong. Hobaneng U ka mpitsa ua nkutlisa?"

¹⁴⁶ 'Me Ntho ea re, "U iphumanetse therō ea Sontaha se tlang. Therō ea hao e ngotsoe holim'a sona."

Ka nahana, “Holin’ a pakana ea sikarete?” Ka khutlela morao.

¹⁴⁷ ’Me ka qala ka nahana, “Sefe ea monna ea kelello,” ke thetso e kakang eo! Holane monna e le monna ea kelello, a ke ke a tsuba lekhale. Empa, u a bona, batho ba e koenya bokoilitana.

¹⁴⁸ Kea kholoa ho se ho fetile lilemo tse peli, mohla ke etetseng se seng sa liboka, ka nyolohela lipontšong tsa lefatše mohlang oo li tsoaretsoe Lebopong la Bophirima. ’Me teng ba emisitse setšoantsö sa Yul Brynner le ba bangata ba bona mono. ’Me borasaense, bongata ba bona, ba kōpanetse holo, mabapi le kotsi ea ho tsuba. Ba hohla mosi holim’ a mabole, ba nka Q-tip ba ngoathe nik’hotini mono ba e tšase mokokotlong oa khoto, ba e hlahlele serojaneng, matsatsing a supileng ke ha e tletse mofetse e sa khone ho tsamaea. Ua bona? O itse . . . Eaba o e fetisa metsing.

Ho re, “Sefe!”

¹⁴⁹ Ha thoe, “Sefe? Ha ho ntho e joalo.” Ho re, “Uena . . .” Joale, ena ke saense ka sebele sa bona. Ba itse, “U ke ke ua fumana mosi u se na bokoali. Bokoali ke bona bo hlahisang mosi.”

¹⁵⁰ ’Me taba ea eona, ke maqiti, ho rekisa lisikarete tse ngata. Ha ntho eo, haeba ke . . . Ha ke kholoe hore le nkhopola ke thunthetsa borapeli kapa ke le lehlanya. Devele eo e ka ho monna, e mo tsubisa, ho ipolaea. Haeba a—haeba a batla nik’hotini ea sikarete se le seng, e ka kholisang takatso ea hae, joale k’hampani e ritetse maqiti ana a thetsang, ’me ho thoe, “Sefe ea monna ea kelello.” O tla tlameha ho tsuba lisikarete tse ’ne kapa tse hlano, ho hlahisa bokoali bo lekaneng ka ho uena (ho mo khotsofatsa) khahlano le se le seng. Ma-Amerika a rekisetsang baena le likhaiseli tsa bona lefu! Ha ke e thole.

¹⁵¹ Empa feela ka mono, ka nahana, “E teng Sefe ea monna ea kelello e lōkileng.”

¹⁵² Joale haeba monna a tsuba, le hopole, e hlahisa tatso ea monna ea tsubang. Hape, haeba u sa thole e . . . ho khotsofatsa takatso ea ho tsuba pele u fumana mosi mono le ho fumana . . . e tlameha ho hlahisa tatso. Ka hona u tsuba lisikarete tse ’ne, kapa tse hlano, ’me u lefa ho feta le haeba u tsuba sikarete se le seng se tloaelehileng. Ua bona, ke maqiti, maqiti a thekiso; a thetsang batho, ma-Amerika. Ha ke hopola Valley Forge, George Washington; masole a hae a mabeli ho a mararō, a sa roala lieta, letsatsing le batang leo, ho re batlela moruo oo re u fumaneng! ’Me joale ma-Amerika a rekisetsa Moamerika, moena oa hae le khaitseli, lefu, tlas’ a maqiti a bohata, ka baka la takatso e litšila, motso oa bobo bohle. Lenyora la chelete, lerato. Ntho eohle ke bohlanya, ha ba tsebe hobane ntho ena eohle e tla timela! Empa haeba u sa fumane mosi, u ke ke ua fumana tatso.

¹⁵³ Eaba kea nahana, “E teng Sefe ea Monna ea kelello.” Sefe ea monna ea kelello! ’Me eaba ke qotsa therō ea ka mono “Sefe ea monna ea kelello e hlahisa tatso ea monna ea halalelang.”

¹⁵⁴ Ke hopola malumeli a rōna a sebelitse haholo joalo, ba hulela batho kahare ’me ba ipitsa Bakreste athe ba ka tsela efe feela. Hobaneng? Ba hoholela ba bangata bolumeling ba bona kapa mokhatlong. Re hoholela ba bangata kahare hobane re ba lumella ho kena tlas’*a sena, sane*, le se *seng*, le ntho efe eseles. “Ha e etse phapang ea letho, ha ba mpa ba ngola lebitso la bona bukeng ba ipitsa Mokreste. Ke phetho. Oh, ‘u bolokeha ka tumelo.’ U tlameha ho lumela.” Devele o etsa eona ntho eo. Yaa.

¹⁵⁵ U lōkela ho tsoaloa labobelis, ’me hoo ho fetisoa Sefeng ea Molimo! Joale e teng Sefe ea monna ea kelello. Ke E tšoere letsohong la ka. E ke ke ea hlahisa tatso ea bolumeli, empa ruri E tla khotosofatsa tatso ea monna ea halalelang, ua tseba.

¹⁵⁶ Mosali ea pommeng moriri a ka feta joang Sefeng ena? Mosali ea tenneng dishotso a ka feta ho Eona joang, kapa dileke, athe Bibebe e re, “Ke manyala ho Molimo, ha mosali a apara seaparo sa monna”? ’Me monna ea nahanang letho ka eēna, a ka tsoang joang a apara joaloka basali, a holisa moriri oa hae joaloka mosali, tlase mahlong a hae, ka di-bangs, ’me o pheuletsoe holimō ka tsela eo? O apere liaparo tsa mosali oa hae tsa kahare. Eēna o apere tsa hae tsa kantle. Sefe ea monna ea kelello? Monna ea kelello a ke ke a etsa joalo, kapa mosali ea kelello a ke ke a etsa joalo. Lentsoe la Molimo le ke ke la e lumella ho feta.

¹⁵⁷ Ha ho ntho le e ’ngoe e ka fetang Lentsoeng leo. Oo ke Moea o Halalelang, ’me O tlisa Lentsoe ho uena, ’me O hlahisa tatso ea monna ea halalelang.

¹⁵⁸ Shebang kajeno, Ricketta kantle seterateng, sebopoho se ratehang, se setle seo Molimo o mo fileng sona, ’me Satane o a se sabelisa. ’Me o apara bohlasoa hakana, ha a tsebe veke ho tloha kajeno a ka be a puta lebitleng.

¹⁵⁹ Ha se khale ha ke theoha ka seterata mona. Ke ntse ke rera sebokeng kahar’*a* Assemblies of God koana Lebopong la Bophirima, kōpanong kantle Southwestern Bible School. Mosetsana o ne a theoha ka tsela, nthoana... ho aperoe liaparoana tseo, dibikini, kapa le e bitsang, ’me litjobo li leketlile, a roetse katiba ea lek’hauboi le dibutsu. ’Na ke nyoloha ka tsela. Ka nahana, “Jo ’na mothoana oa batho, ke ngoana oa ’mè le ntate ba itseng, o beiloe mona ho ba morali oa Molimo, ’me o fetohile selope le sefi sa devele.” Ka nahana, “Kea kholoa nka khutla, ka bolella ngoana.” E batla e le thaka ea Sarah oa ka mono, lilemo tse leshome le metso e supileng, lilemo tse leshome le metso e tšeletseng, kapa ho hong. Ka nahana, “Che, ke mpe ke tlohele. Nka mpa ka nyoloha ka tsela mona ’me ka mo rapella. Motho a ka tšoha a mpona ke mo emisa ke qoqa le eēna, ke mpe ke se leke.”

¹⁶⁰ Joale, 'me mamelang, lōna bara ba Molimo, ha u kena boemong boo, bo-Jesebele bana ba letsatsi ba thoena pel'a hao, feela monna ea kelello o tla nahana pele. A ka ba motle hakana, e ka ba "Nka hlekā mabala ka eēna," empa e tla u qosa moea oa hao, moshemane; lōna banana ba bang, nqa bo-Ricky bana! Sefe ea monna ea kelello e hlahisa tatso ea monna ea halalelang.

¹⁶¹ Lōna banna ba nyetseng, ha le bona basali ba le joalo seterateng, lōna bara ba Molimo, na ha le lemohe se hlahileng tšimolohong ea pele? Mohla saense e neng e ntlaufalitse basali hakana lefatšeng leo pele ho moroallo, bara ba Molimo ba ba ba inkela barali ba batho (e seng barali ba Molimo), 'me Molimo ha o a e lebala le ka mohla. Ba ile ba senya ntho eohle; saense, bottle bo ntlaufetseng. E ne e le tloaelo... Ha le bona bottle ba basali bo phahama matsatsing a qetelo, ke pontšo ea qetelo; Molimo o e kholisitse. Ka hona, sebelisa Sefe ea monna ea kelello, u tla fumana tatso ea monna ea halalelang. E tla u qosa lelapa la hao. E tla u qosa maemo a hao. E tla u qosa sohle sa hao; kathoko ho mono, moea oa hao! E tla qhaqha lelapa la hao. E tla etsa hore monna e mong a holise bana ba hao, kapa mosali e mong a holise bana ba hao.

¹⁶² Nka Sefe ea monna ea kelello, e tla hlahisa tatso ea mosali ea halalelang. Ha u ea levenkeleng la mokuti, kapa ntho e 'ngoe e itseng, 'me ba u bolella, "U tla tšoaroa ke hlooho, u a tseba." Tšoara Sefe ea mosali ea kelello, seo Bibebe e se boletseng, ua bona, u ntano e furalla. Ua bona? U se ke ua e etsa.

¹⁶³ Ke moena oa lōna, 'me kea le rata. Ha kea koetla letho khahlano le lōna. Molimo o a tseba. 'Me ke sona se nqosang ho bua tseo ke li buang, ke ka baka la—la lerato la Molimo ho lōna. Ha motho a ka tsoa mona a sa le boelle, molisa oa lōna le ho u lumella ho itulela hohle le ho itšoara ka tsela eo, ha a u rate. A ke ke a u rata. Nke ke ka batla lerato le joalo ho basali. Ke batla ho ba le tatso e halalelang ho khaitseli ea ka. Ke mo batla e le khaitseli ea ka kannete. E seng motho ea ka buang, motho ea babatsang bottle ba hae le seemo sa hae, le mafumahali ao a motabo, "O kena ho 'na..." Huh-uh. Che. Ke 'matla e be leleiti!

¹⁶⁴ Oho Morena, mpoloke tlas'a Lefika. E. Ho Baefese 5:26, mokhoa o le mong u ka pholletsang Lefika leo, hoo ke ho, "Hlatsua ka metsi a karohano ka Lentsoe." Ke hantle.

¹⁶⁵ Joale, u se lumelle devele enoa ho u nyanyatsa ka thuto ea hae. Che, che. E tla bolaea khahlamelo ea hao. U se lumelle devele ho nka seo, "Be, ke setho sa kereke ea 'mè ea mehleng, ea mehleng ea ntate, ea khono oa ka." U se lumelle devele ho u nyanyatsa ka ntho eo. Bibebe e se e boletse, ho Mengoaha e Supileng ea Kereke, le lintho mono, ntho eohle e fetohile peō! Ke hantle. Ntho eohle e bolile. Ntho eohle ke lethopa le petlileng. U se mo lumelle ho u nyanyatsa, ho thoe, "Be, ke maitšaro a phahameng. Re rutehile ho feta matsatsing a fetileng." U se

lumelle devele ho u khurumetsa ka ntho eo. Ke u bontšitse lenaneo lohle la hae la tsoelopele, thuto le saense. O e bolokile hantle kahar'a kereke, 'me u se ke ua e mamela. Honyölla hlooho ea hao nthong eo ea khale ea thelebishene e litšila le linthro!

¹⁶⁶ 'Me therō ea rōna e re, "Le se ke la ipapisa, le mpe le fetoleloe." Ha se ho kena kahare le ho re, "Ke tiiselelitsoe, Sontaha." Che. Kena u fetoleloe hantle hona joale, ho fetoleloa ho tloha ho seo u leng sona, ho ea ho seo Molimo a u batlang u le sona.

¹⁶⁷ Joale, e itšetlehile ka peō e lutseng ho uena. Haeba peō ea hlalefo, ea thuto e larile ho uena, e ka etsa ho le hong feela, ho u holofatsa, ke phetho, ho mora kapa morali oa Molimo. E ka etsa hoo feela. Batho kajeno, ha ke sheba kantle, ba itšoere eka holane ba sa lumele Molimo o le teng.

¹⁶⁸ Tšoarelang tlhahiso ena. Mang ea hlabehang, ha kea ikemisetra hona. Ke ile ka mengoa Sontaha tse 'maloa tse fetileng, ke morali oa ka, ho tla boha sete ea thelebishene ho shebella 'mino oa bolumeli. Ke Sontaha hoseng. Ke batlile ho utloa Oral Roberts lenaneong la hae, ke ba kōpile ho mpolella. Ho re, "Tloo mamele sena, mona ho binoa sefela se seholo." Mora oa ka a eme mono, a mpolella ka eona, le eëna. 'Me eaba ke bulela sete eo . . .

¹⁶⁹ Re ne re hirile ho mosali ea nang le thelebishene tlung e hae. Ha ke eso ikemisetse ho ba le e 'ngoe tlung ea ka. Che, monghali. Ha ke batle ntho eo ka tlung ea ka. Nka e phatlola ka sethunya sa ka sa shotogane. Ha ke batle ho amana ka letho le ntho e khopo eo. Che, monghali! Empa ho nka e . . .

¹⁷⁰ Ha nke le bolelle lōna mona maArizona. Le bone hlophollo eo tsatsi le leng, ea likolo, ha ke re? Lipheresente tse mashome a robeli tsa bana ba likolo tsa Arizona ba fokolloa ke kelello, lipheresente tse mashome a tšeletseng a metso e supileng tsa bona ka ho shebella thelebishene. Le reng ka taba eo?

¹⁷¹ Le mpe le sebelise shotogane ea lōna! Ua bona? Joale, u se lumelle devele ho u nyanyatza ka eona. Che, monghali. Joale lōna batho, joaloka ha ke boletse, batho ba itšoere e ka holane ha ba tlameha ho tla Kahlolong.

¹⁷² Bashanyana bana le banana, ba ne ba akha lelapa la Maindia kahare, le nyee e ngata. Ke kholoa mothaka ea bitsoang Mongh. Pool e le hlooho ea eona. 'Me haeba nkile ka bona sesomo sa lifela tsa mehla ea joale, ka mokhoa oo ba e sebelitseng; sehlopha sa boRicky se eme mono, ba tsokoletsatso matsoho a bona holimō-le-tlase.

¹⁷³ Ruri ke ananetse mohlankana e mocha eo mona hoseng hona, ea binneng, a shebeha a hloekile, sa monna oa sebele. Ke—ke rata seo. Ha lōna—lōna banna borakhoebo mona ka linako tse ling le mema sehlopha sa boRicky ba emang mona, 'me ba likoloha ba hlabatitlatse, 'me ba itšoara joalo, ba hula moea sefahleho

se pulufale sa boputsoa ba leholimōa; ha se ho bina hoo, ke ho fehla lerata le ngata la saense feela. Ho *bina* ke “melodi e tsoang pelōng.”

¹⁷⁴ 'Me ka nahana, "Ke sekhobo se se kakang! Ke lihlong tse kakang! Tlas'a lebitso la bolumeli, ba itšoara e ka hojane Molimo o le sieo!" Motho o buile, letsatsi le leng, le moshanyana ea tsamaisanang le morali oa ka. Moshanyana oa Mokreste, a etsa tlhahiso e masene ka Adama le Eva, ho re, "Eva o ne a tsamaea har'a tšimo. Ho re, 'Bana, na le bona sefate mono?" Ho re, 'Ke hona moo 'mè oa lōna a re jeletseng teng a re ntša tlung le lelapeng.'" Na le ka nahana, athe o bitsoa Mokreste ea lomahantseng meno, kanthebo o qotsa pallo ea Lentsoe la Molimo o e lahlella serobeng sa hoki! Ba itšoara e ka hojane ba sa tlameha ho ema Kahlolong. Empa Molimo o tla hulela lekunutu ka leng Kahlolong. Ba itšoara e ka hojane Molimo a le sieo.

¹⁷⁵ Ha ke batle ho ba bitsa sethoto, hobane Bibebe e itse... sethoto, ha se hantle. Jesu o itse ha se eona. "U se ke ua bitsa motho sethoto." Empa ho Pesalema 14:1, "Sethoto se itse pelōng ea sona, 'Molimo ha o eo.'" Ua bona? Bao, bona ha se...Ha ke batle ho ba bitsa lithoto, empa ba itšoara joaloka sona. Ba etsisa sona.

¹⁷⁶ Ka hona, le bona moo re leng teng kajeno, joaloka, "Molimo ha o eo." "Ke setho sa kereke!" 'Me bao bohle, ntho eohle, Bibebe, ke motlae o moholo. "Kereke a rōna e tseba moo ba eang teng!" Yaa...[Sekheo lebanteng—Mohl.]...ho toba hantle liheleng, ka tšoanelo. Hantle tseleng ea bona, hantle ho theoha ka saense le thuto, diseminari tsa thutabomolimo le lintho, ho ba hoballisa hantle ho theoha ka tsela hantle. Moea o Halalelang ha o na monyetla oa ho aba tšenolo holim'a letho; seminari e se e khaotse ka botlalo.

¹⁷⁷ Moea o Halalelang o tlamehile ho re tsamaisa; e seng seminari, e seng dibishopo le baokameli, le ba joalo. Moea o Halalelang ke Moetapele oa rōna.

¹⁷⁸ Kaine e ne e le motho oa mofuta oo. O ne a tletse borapeli kannete. Joale, ha borapeli e le phetho se u tlamang, ekabe'ba Molimo o hlokile tōka ho cosa Kaine. Hobane, o ne a tletse borapeli, o ne a tletse borapeli a tsepahetse sa Abele. Joale hopolang, o ne a nahanne ka Molimo, o rapetse Molimo, a e na le kereke, o hahile aletare, o nyehetse sehlabelo, o rapetse, a khumama, empa o latotsoe. Ho sa tsotelehe bo kae...Esau o ne a le joalo, le eëna. Ua bona?

¹⁷⁹ Borapeli, ua bona, ke eona khoebo ea Satane; ha se ho bolaea ntho eohle, empa ho e silafatsa feela. Ke phetho. A ke ke a bolaea ntho eohle. Oh, e seng makomonisi; che, che, antikreste ha se bokomonisi. Bibebe e itse, "E ka thetsa le bona Bakhethoa hola e le ntho e ka etsoang." U se ke ua sheba lerako la tšepe, empa le pherese. Uh-huh.

¹⁸⁰ Empa, lemhohang, Kaine o tlie a khumama, feela a tšoere peō e phoso ka ho eēna, peō ea nōha. O ile a arubetsoa ke mohoeshetso oa nōha, ka ha e ne e le peō ea mosali. O tsebile thato e phethahetseng ea Molimo, feela o hanne ho e phethisa. Na le tsebile seo? Satane o tseba thato ea Molimo, o mpa a hana ho e phethisa.

¹⁸¹ Lemohang, o bone Molimo o nètefatsa molaetsa oa Abele. Joale ke batla le nahane, le sebelise Sefe ea lōna ea monna ea kelello motsotsjo joale. Molaetsa o lōkileng oa Abele, oo Molimo a o nètefalitseng e le 'Nete! Na le ntse le anya joale? Uh-huh. Molaetsa oa Abele o ne o amohetsoe, 'me Kaine o bone 'me o tsebile Molimo a nètefalitse molaetsa oo o lōkile. A mpa a sitoa ho e phethisa feela. Boikakaso ba hae bo mo thibetse ho e phethisa. Ke hantle, boikakaso ba hae bo mo thibetse ho e phethisa. O bone Molimo o nètefatsa molaetsa.

¹⁸² E bonahala joalo joale, batho ba thatafalloa haholo ho ikokobeletsa Lentsoe la Molimo. Bao, ba mpa ba sa batle ho e phethisa feela. Ba ka ikokobeletsa tumeloana ea kereke, ehlile, empa e seng Lentsoe la Molimo.

¹⁸³ Ha le batla ho e thola, le ka ea ho... Mona ke tšoere Mangolo, e leng moo ke lebisang teng. Genese 4:6 le 7, Molimo o itse ho Kaine, ho itsoe, "Sefahleho sa hao se sosobane ke'ng? U mabifi ke'ng, u ntse u likoloha? U sa tsoa utloa molaetsa o u ferekanyang." Ha thoe, "Be, u etsetsang joalo? Lifahleho tsa hao li sosobane ke'ng, hobane Ke sa kena kerekeng ea hao? Ebe hobaneng u etsa hoo?"

Na u sebelisa Sefe ea monna ea kelello? Ua bona?

¹⁸⁴ Kapa, "Hobaneng ho sa... Hobaneng u shebeha joalo?" Ha thoe, "Ekare ha u etsa hantle, ea etsa joaloka moena oa hao kantle mane, Ke tla u amohela le ho u hlohonolofatsa. Ke tla u etsetsa ka ho tšoana." A mpa a sitoa ho e phethisa. O itse, "Joale, ha u sa etse joalo, sebe sa ho se lumele laletse monyako."

¹⁸⁵ Joale ha ba re bolella, "Matsatsi mehlolo a fetile," ba e bona e nètefalitsoe ka phetheho e kana e kholisitsoe, ua bona, lintho tsena tsohle tseo Molimo o li tšepisitseng O tla li phethisa matsatsing qetelo, tsa Tšenolo 10 le Malakia 4, lintho tseo tsohle li nètefalitsoe ka ho hlaka ho phethehileng, molato ke'ng, baena? Phoso ke efe, ua bona?

¹⁸⁶ Haeba ba sa etse; ho se lumele, e leng sebe. Sebe se seng feela, sona, ke ho se lumele. Ke hantle. Ha u ahloloe hobane u noa, u tsuba, u hlafuna, u apara dishotso, ho etsa seo u se etsa sohle. Che, ha se hona ho u ahlolang. Ke hobane u sa lumele. Holane u lumetse, u ke ke ua etsa joalo. Ua bona? Molumeli ha a etse tseo. O nka Sefe ea monna ea kelello, ua bona, ua bona, kapa Sefe ea mosali ea kelello, e 'ngoe ea tsona. Ho lōkile. Empa, u a bona, sebe se laletse monyako.

¹⁸⁷ Joale le lemohe seo se sebelitse eng ho Kaine, 'me le kajeno ho tla itšoanelia. E qositse Kaine ho tloha, e le moetsalibe ka boomo. O hlokile kutlo ka boomo. Motho mang le mang o tla itšoanelia. Ho hloka kutlo ka boomo hoba a bone molaetsa oa Abele o nètefatsoa hakana ke Molimo, ho re e ne e le 'neta, 'me o hanne ho e phethisa. Ho entsoe ka ho tšoana mohlang oo. Eaba o tšela qholo.

¹⁸⁸ U teng mola u ka u tšelang. U tseba seo, ha ho joalo? [Phutheho e re, "Amen."—Mohl.] Joale, bareri, ba koano le ba kantle koana e—e lefatšeng la mohala moo khaso ena e finyellang na ha bophara, Na u elelloa seo? Ha u e bona e le Lengolo, 'me u sa e phethise, Molimo o ke ke ka mehla . . . O tla . . . Oh, u tla tsoelapele, u hlohonolofale. Le Iseraele e mong le e mong o entsoe joalo, ba phetse hantle feeleng, 'me ba holisa bana, le limela, 'me ba hlohonolofala, le ntho eohle, empa "e mong le e mong oa bona o arohane le Molimo ka Bosafeleng." Jesu o itsalo. Oh, e, Molimo o tla 'na a u hlohonolofatsa, empa ho felile ka uena. Ruri. Ke seo Bibele e se bolelang joale, ke seo A se buileng. Lemoha, u ka tšela mola o arolang. Na u lumela seo? ["Amen."] Kaine o entse joalo.

¹⁸⁹ E re—e re ke phetle mona motsotso, ke tšoere Baheberu 10:26. Ha re boneng haeba ke e fumana ka potlako. Buka ea Baheberu, khaolo ea 10 le e . . . Kea kholoa, temana ea 26. Ke e ngotse kantle mona. Motsotso feela, haeba le ka 'mamella, 'me ha re Le baleng motsotso feela. Ho lòkile, ke röna bana.

*Hobane ha re etsa sebe ka boomo ha re se . . . filoe tsebo
ea 'neta, ha ho sa setse sehlabelo se seng sa sebe,*

*E se e mpa e le kahlolo e tšabehang le ona mollo o
bohale, o tlang ho ja mohanyetsi.*

¹⁹⁰ Hoo ke HO RIALO LENTSOE LE HALALELANG LA MOLIMO. Ekare ha re sa lumele ka boomo ha re se re Le bone 'me re Le utloile, re se re tšetse mola. E ke ke ea hlola e tšoareloa, u se u tšetse moeli.

"Oh," ure, "Molimo o sa ntse o ntlhohonolofatsa." Oh, yaa.

¹⁹¹ Hopolang Iseraele, lintšing tsa moeli. Mohla Molimo o ba fileng tšepiso, koana Lefatšeng le Halalelang; kahar'a lefatše, le ne le le letle, la lebese le linotši. 'Me mohla Moshe a romang Kalebe le Joshua, le lihloela, ho tloha ho ea hloela naha, 'me a khutla ka kholiso e nètefatsoeng.

¹⁹² Ba leshome ba bona ba itse, "Re ke ke ra e khona. Re a sitoa. Shebang tšita mane. Re tla fetoha mahlanya bohle. Re tšoere linthoana tse sa tsebisahaleng tsena ho loana ka tsona. Shebang seo ba se tšoereng. Röna, re ke ke ra khona. Re sitoa ho e phethisa."

¹⁹³ Joshua le Kalebe ba itse, "Re khona ka ho fetisia ho e phethisa! Molimo o entse tšepiso."

¹⁹⁴ 'Me, hopolang, ba khutlile. Mono e le koana Kadeshe-barnea. 'Me ba khutlile 'me ba fetoha baleleri feelleng. 'Me e mong le e mong oa bona o shoele, 'me o timetse ka Bosafeleng. Jesu o boletse joalo.

¹⁹⁵ U se ke ua tšela mola o arolang oo, ua bona. "Ha u tseba ho etsa botle, 'me u sa bo etse, ho uena ke sebe."

¹⁹⁶ Iseraele o entse hona hoo. Hoba a bone Moshe a nètefalitsoe, 'me ba lumeletse Balaame ho ba nyanyatsa, Peō e theko e thata eo e nètefalitsoeng. Molisa, le ka mohla (lekhale) u se bue letho khahlano le Lentsoe lena. Sheba Balaame, e ne e le moporofeta, 'me o bone Peō ea Molimo e nètefatsoa. Empa o phetse tlas'a bolumeli ba hae bo boholo, Moabe o bone mphi eo ea baleleri ba haolang le naha, a e nyanyatsa, le ho re, "Be, beang butle motsotsa. Re Bakreste bohole. Re balumeli bohole. Khele, bontata rôna le bontata lôna ba bang. Ana ha re bana ba Lota? Ana Lota e ne e se motsoala Abrahama? Ana bohole ha re tšoane? Ha re nyallaneng." 'Me Israele, joaloka Eva tšimong ea Edene, ea lumella Satane ho e nyanyatsa, o boetse a nyanyatsa Israele ka moporofeta oa bohata. Kanthebo, moporofeta oa 'nete o ne a le ho bona, ka Lentsoe le nètefalitsoeng. Empa ka kutloisiso ea tsebo ea bohlalefi, a ba nyanyatsa. E nahanneng. Joale, ha e a ka ea tšoareloa, sebe ha se a ka sa tšoareloa le ka mohla.

¹⁹⁷ Lipeō tsa bolla hantle tseleng ea kutlo, tseleng e eang lefatšeng la pallo. E mong le e mong oa bona a timela 'me a bolla, hantle ka kotloho kerekeng, tseleng ea kutlo, a ntse a setse Molimo morao. 'Me ba lumella Satane ho ba nyanyatsa ka senyanyatsi seo sa bohlalefi, kutloisio ea thuto, ea bohlalefi, e reng, "Khele, bohole re bang, bohole re bana ba Molimo." Ha le joalo! Empa a lumella moruti eo oa bohata ho ba nyanyatsa ka kutloisiso ea bohlalefi a e tšoereng ea Lona.

¹⁹⁸ 'Me ho tšoana le Lekhotla la Bokereke hona joale le sebetsa joalo, ua bona, ntho e tšoanang, "Khele, bohole re tla iteanya mokhatlong o le mong o moholo." Tsamaiso eohle ea lôna ea mokhatlo ke ea devele. Ke letšoao la sebata, ka Bibeleng. Ke tla etsa buka ea eona, haufi, ha Morena a ratile.

¹⁹⁹ Lemohang, nakong ea Nohe, ho bona Lentsoe le hahuoa, le tle le phaphamale. Joale mona e reng ke etse tlhahiso e nyenyane, Lentsoe le bopelloa ho fetoleloa ho tloha fatše ho ea libakeng tsa holimō. Ho bona moaho oa ntho; empa ka baka la likuitloisiso tsa bohlalefi ba bona, ba tšehele moporofeta sefahlamahlo, Nohe, mohla a na a porofeta ka nako ea qetelo. Empa ho etsahetseng.... Moaho o no o bopiloe ka Lentsoe la Molimo, o bitietsoe kahare le kantle, ka thapelo le tumelo. E ne re ha lipula li theoha, likutloisiso tsohle tsa bohlalefi ba borapeli li shoele 'me tsa bolla hantle kahar'a.... hantle likerekeng tsa bona, hantle holim'a lefatše. 'Me areka ea phaphamala holim'a ntho eohle. Peō e nyanyalitsoeng ke saense ea bolla kahlolong hantle.

²⁰⁰ Ana re leka ho etsa'ng, le hona, ana re leka ho thea kereke ea rōna kapa ana re leka ho thea Lentsoe la Molimo? Ana re leka ho etsa'ng? Ana re sebeletsa'ng? Ana re leka ho khutlisetsa batho nthong Ena? Ana Eva e moholo enoa o leka ho etsa'ng mona matsatsing a qetelo, kereke ena Eva?

²⁰¹ Ke tla tlameha ho koala hang, moena, hoba ho—ho phirima haholo. [Moena o re, "Qhoba!"—Mong.] Le ka mpalla metsotsotso e batlileng ho ba leshome-hlano, 'me ke tla khaotsa Mangolo a ka—a ka mona. ["Ehlile, qhoba."] Yaa. Ho lōkile. Kea tseba. Be, mohlomong batho ba batla ho kena le ho hloekisa mona. Empa e ka re ke thatafalloa ho koala. ["Qhoba feela." "Be, ha ho leptolapotla la letho."] Ke tla potlaka. Ho lōkile.

²⁰² Shebang, Eva e moholo oa saense, oa thuto, ea nyalisitsoeng kajeno, ea bitsoang kereke, ana o leka ho etsa'ng? Ana o leka ho phahamisa Lentsoe la Molimo, athe o lesa batho ho iketsa ka mokhoa oa bona? Ha ba sebelise Sefe ea monna ea kelello, kapa, Sefe ea Molimo. Le shebe na ba hlahisa eng. Ba iphahamisa bobona. Kereke e joalo, ka lenaneo la eona la peō e holofetseng ea tsebo, e lihetse morabe ohle ho nyemotsa Lentsoe la Molimo ho ka saense. Joale ke tla khutlela littlhahiso tseo, ha ke ee ho likalika ho tsona halelele joale, ho phethela. Ba hloka temoho ka saense! Athe Molimo, hantle mona lefatšeng, o etsa lintho tseo A li etsang, ka Lentsoe la Hae la tsepiso, 'me ba Le nyemotsa ba tloha hobane ba hloka temoho ea saense. Ho hloka temoho ka saense!

²⁰³ Ke bososela hobane Moena Williams mona, o ngotse sekhechana mona, "U ka lula thapama eohle," ntho e 'ngoe. Empa, kea e ananelo, boo ehlile ke botle. Ua bona?

²⁰⁴ Empa batho ba—ba etsa sebe ka boomo. E lihetse e—e tsamaiso eohle ea kereke ea lefatšé kajeno sebeng sa ka boomo khahlano le Molimo. Khele, boitšoaro bo tloaelehileng bo tla u pakela hore E lōkile. Ho lōkile. Lesira la takatso le mo foufalitse mahlo, nqa Lentsoe la Molimo, 'me o iphihlela a boetse a le feela. Ua tseba, Molimo, ho Tšenolo 3, ho itsoe, "Tloo, ifthekele ho 'Na setlolo sa mahlo, mahlo a hao a tutubolloe." Ua bona, setlolo sa mahlo ke Lentsoe la Hae.

²⁰⁵ Ua tseba, ba re, "Be, monna enoa o balile lilemo tse mashome a mane, ho khoesa digarata tsa hae. O apesitsoe B.L.D., D.D., le sena sohle."

²⁰⁶ Na u tseba seo Jesu a se buileng ka eona? O itse, "Motho a itèle." Pauluse o entse joalo.

U re, "Ha e bolele joalo."

²⁰⁷ Be, hovaneng Pauluse a e setse morao, ke hona? O itse, "Ha kea tla ho lōna ka mantsoe a hlohlontšang a bohlale ba motho, e se re litšepo tsa lōna tsa hahuoa teng. Ke mpa ke tlie ho lōna ka matla le liponahatso tsa Moea o Halalelang, lentsoe la lōna le tle

le . . . tumelo ea lōna e tle e hahuoe Lentsoeng la Molimo, e seng liponahatsong tsa bohlale.”

²⁰⁸ E ka re batho ba timeletsoe ke boitšoaro ba bona ba tloaelo le lihlong. Ha ba tšoane le mehleng. E ne re ha, moporofeta a re, “HO RIALO MORENA,” batho ba thothomele. Yaa, ba hlile ba entse joalo. Batho ba nke khato, hoba ba tšabile. Empa joale ba timeletsoe ke tšabo ho Eona. Ha ba tšabe Molimo.

²⁰⁹ Solomone o itse, “Ho—ho tšaba Molimo ke qalo ea bohlale,” ke qalo ea bona feela.

²¹⁰ Empa moporofeta a ka bolela HO RIALO MORENA; batho ba re “bosaoana!” Ua bona, ha ho a sala tšepo ho bona. Ke, ba re, “Khele, rōna re masene. Re hlalefile, ha rea tlameha ho amohela nyee ea mofuta oo! Re tseba seo re buang ka sona!”

²¹¹ Ke maele a khale, ho thoe, “Lithoto li hatikela ka lieta tse litseenene, athe Mangeloi a tšaba ho tsamaea teng.” Ruri.

²¹² Joale, ebe ho fetoleloa ke eng? (Ka potlako.) Ebe re e fumana joang? Ho fetoleloa ho etsoa ke’ng? Molimo o e etsahatsa ka Moea oa Lentsoe la Oona. O a fetolela. O lema Peō ea Hae, ho E tšela ka Moea oa Hae, ’me E beha sehlahisoa. Moea oa Hae o Halalelang o fetolela Peō Lentsoe ho nètèfatsa sa mofuta oa eona.

²¹³ U peō ea mofuta ofe, hoo ho pepesa ho leng ka ho uena hantle. U ke ke ua e pata. Sohle seo u leng sona kahare, se pepesoa kantle. U ke ke ua itosolla sona. Sefate seo u ke ke ua se fetola letho le sele le seo se leng sona. Ua bona, e—e tla hlaha ka tsela eo. Moea o Halalelang o fetolela lipoē tse ahileng kahare ho eona. Ho sa tsotolehe peō ke ea mofuta mong, O tla e fetolela. Haeba e le mpe, e tla hlahisa bobe. Haeba e le moikaketsi, e tla hlahisa moikaketsi. Haeba e le Lentsoe la Molimo la makhonthe, e tla hlahisa mora kapa morali oa Molimo oa makhonthe, ka Sefe ea monna ea kelello. Peō ha e nyoloha, e haola le Moo, E hlahisa mora le morali oa Molimo.

²¹⁴ Tsatsi le leng ha lefatše le robetse lefifing la tšenyeho, Molimo . . . Joale sekehetsanfg tsebe, hoba re ke ke ra bua . . . haese nakoana feela. Shebang. Tsatsi le leng mohla lefatše le ne le boetse le kene lefifing la marapeli a mefuta eohle, hlatsuo ea matsoho, lipitsa, ho apara likobo le likatiba, le lilo tse joalo, le robetse setsing sa tšenyeho e feletseng. Iseraele ea makhonthe ea Molimo ke ha e khopamisitsoe hakana ke melao le litaelo tsa Molimo, Jesu o itse, “Lōna, ka meetlo ea lōna, le entse Lentsoe la Molimo ntho e se nang matla bathong, ka meetlo ea lōna.” ’Me le shebe baprista ba halalelang bao, ba ba bitsa joalo; ’me Jesu o itse, “Le ba ntata lōna, devele, le etsa le mesebetsi ea hae.” Ua bona, ke seo A se buileng hantle.

²¹⁵ Joale mohla le fatše le neng le rapaletse qhafutsong eo, Moea oa Molimo oa boela oa tsamaea holim’ a Peō e neng e reriloepele. O ile a fetola le ho fetolela Esaia 9:6 tšepisong ea Eona; Eēna, Molimo, o no o etsoe nama ea motho, ho pholosa nako eo ea

tšenyeho. Mohla motho a na etsoa ka setšoantšo sa Molimo, Molimo ke enoa a fihla, ka moporofeta ea e bonetseng pele... Joale le hopola Lentsoe, moporofeta o e bonetse pele, joaloka moporofeta ea boneng Satane matsatsing ana a qetelo, ua bona, ka mananeo ana a thuto le lintho tseo a li tšoereng, mananeo a borapeli. Eèna moporofeta eo, Esaia 9:6, o boletse, "Re tsoaletsoe Ngoana, re neiloe Mora; 'me Lebitso la Hae o tla bisoa 'Moeletsi, Khosana ea Khotso, Molimo o Matla, Ntate Rabosafeleng.' 'Me borena ba Hae bo ke ke ba fela." 'Me Lentsoe leo ke Lentsoe la Molimo. 'Me Moea o tsamaile holim'a Lentsoe leo, 'me La foroma kahar'a popelo ea moroetsana; Monna, "Mora o tsoetsoe," ha a boptjoa, "tsoetsoe."

²¹⁶ Satane o lekile 'me a leka hape, ho E nyanyatsa. A Mo nyolla 'me a re, "Efèla ha U bolela U le seo U leng sona, ntlhakisetse pholiso ena mona. Mpontše kamoo U ka e khonang. Fetola sena, bohobe, le majoe ana bohobe. Re ke re U bone u itihela, hobane Lengolo le boletse U tla e etsa."

²¹⁷ Na le bona bodevele bao ba tletseng borapeli kajeno ba buang joalo? "Haeba ntho e kang pholiso ea Khalalelo e le teng; mona ho robetse Moena *Sekete-le-sekete*, re u bone u mo folisa."

²¹⁸ Eèna devele eo o na eme sefapanong sa Jesu, ha thoe, "Ha U le Mora Molimo, theoha sefapanong."

²¹⁹ Lentsoe le boletse E ne e le Mora oa Molimo. Moea o e pakile hoba E ne e le Mora Molimo. Esaia 9:6 o ne a phethiloe. 'Me bosiu bo bong, bongata ba lôna khasong le utloile kamoo re ntšitseng Mangolo a mashome a tšeletseng le ho hong, mohlomong, kea lumela, ho kholisa Lengolo le Mo tlalehile e ne e le Eèna.

²²⁰ Oh, Satane o lekile hape le hape, ho etsa sohle. Bosiu bo bong, ho robala motšeо ho sekepe, o Mo bone a khalehile. 'Me o itse, "Ke tla Mo timetsa hona joale hantle." Empa ha a khona.

²²¹ A leka ho Mo eka ho etsa ntho e phoso, feela ha a khona. Hobaneng? O na nyanyalitsoe ka seqhèli sa boitherelopele. Se ke ke sa thetsoa. Che, che. Lentsoe le Mo tlalehile a tla fihla mona. Amen. Ha ho devele e tlang ho Mo hlopha, 'me ha ho mora e mong oa Molimo, ea reriloepele ho nka setulo sa hae. O nyanyalitsoe ka seqhèli. Chefu ea Satane, lingaka tsa bolumeli ha li Mo ame ho hang. O tsoelapele hantle, ha ho letho le tlang ho Mo hlopha, ua bona. Ha ea Mo hahlamela ka letho.

²²² "Be, ke tla U hlomamisa bishopo oa lefatše lohle. Ke tla rena holim'a lona. Ha U ka nkhumamela, ho tla tla iteanya le sehlopha sa ka, ke tla—ke tla U beha 'musisi. Ke tla bôba, Uena u nyolohe."

²²³ O itse, "Tloha ho 'Na, Satane. Ho ngoliloe, 'U tla khumamela Molimo, Lentsoe, 'me u sebeletse Eèna a inotši.'" Eaba tsatsi le leng...

Holim'a Motho e moholo enoa, ke rata ho likalika mono nakoana.

²²⁴ Empa tsatsi le leng, Moea oa boela oa haola holim'a Hae; hoba Lentsoe le ngoliloeng ka Eèna le ne le saletse, ho tsoa ho Molimo, ka moporofeta, "'Me O isitsoe hlabong, joaloka konyana." 'Me eaba Moea o haola holim'a Hae, oa Mo etella pele, oa Mo romela sefapanong sa Kalvari. Teng A shoa. 'Me sohle se builoeng ka Eèna lefung la Hae, se phethiloe, ho chabisa Leseli le ho hlahisa Bophelo ho Peō ea Molimo eohle e rerelioeng e neng e le holim'a lefatše. O hlahisitse tsela ea ho e phethisa. Peō ke *ena*, Moea o tlisa Bophelo; ho fetolela bara le barali ba Molimo, ho tsoa lefatšeng la tšenyeho e lefifi ena, ho fetoha bara le barali ba Molimo.

²²⁵ Le se ke la khoptjoa ke lentsoe leo "boitherelopele." Kea tseba le etsa joalo. Empa, mamelang, ha Se lentsoe la ka. Ke le leng la Mantsoe a Molimo. Le batla ho e bala, balang Baefese 1:5, etsoe, "O ne a re rere ho beoa bara ka Jesu Kreste." Ua bona?

²²⁶ E reng ke le qhaqholle motsotso feela, motsotso feela, ho e pshatla kelellong ea hao. Sheba. Joaloka ha u phetse ka ho ntatao, tšimolohong, lefi la peō. Na u tsebile, e mong le e mong oa lóna? U ne u lutse ka ho ntata-ntata-ntata-ntatemoholo oa hao, hape, na u tsebile seo? [Phutheho e re, "Amen."—Mohl.]

²²⁷ Bala Buka ea Baheberu, mono re fumana Levi a lefile karolo ea leshome a sa le lethekeng la Abrahama, meloko e mene ka mora hae. Mohla Abrahama a na lefa karolo ea leshome ho Melkisedeke, ho baliloe setloholoana-loana-loana tlas'a hae, 'me mohlang a le lethekeng la Abrahama. Ke moo he. Ua bona?

²²⁸ U no u le lethekeng la ntatao, empa ntatao a ke ke a qoqa le uena ho fihlela o fetoleloa 'meleng oa nama.

²²⁹ Mora oa ka mane o na le ka ho 'na. Ke—ke—ke ne ke batlile mora, feela a le ka ho 'na lekhatheng leo. Ua bona? O na le ka ho 'na lekhatheng leo. Empa ka lenyalo, o fetoletoe ho monna ea joaloka 'na, eaba o ba joaloka 'na.

²³⁰ 'Me u a fetoha u tšoana le batsoali ba hao, ua bona, hobane e ne e le ka ho uena, le ho qaleng. Joale haeba re le bara ba Molimo, mehopolo ea Hae... Etsoe, uena u mohopolo oa ntatao, e seng 'mè oa hao; ntatao. Lefi le robetse ka ho ntate. Ua bona? 'Me joale 'mè oa hao e ne e le seqhotsisi se o jereng, ho jara peō ea ntatao. Ua bona?

²³¹ 'Me lefatše, ka nama, ke seqhotsisi se jereng peō ea Molimo. Ua bona, hantle feela. Ha se lefatše, kamoo lefatše le leng leholo kateng; ke kamoo Molimo o le entseng o leng moholo kateng. Ua bona? Ua bona?

²³² Joale haeba u le mora le morali oa Molimo, u no le ho Molimo tšimolohong. U mohopolo oa Hae. Efèla ha u ne u le sieo mohlang oo, ha u eso be teng le ka mohla kapa u ke ke ua ba teng le ka mohla.

²³³ Hoba, nke ke ka jara, ho tsoa lethekeng la ka, mora oa monna enoa *mona* kapa monna eane *mane*, nka jara bara ba ka ba inotši, 'me ba tla nka setšoantšo sa ka. Alleluia. Ua e bona?

²³⁴ Bara le barali ba ne ba le ho Molimo tšimolohong. Joale sheba. U na le Bophelo Bosafeleng, u rialo. Rea e lumela, hore re ruile Bophelo Bosafeleng. Be, sebopeho sa Bophelo Bosafeleng se seng feela, 'me ke Molimo. Ke eona feela ntho ea Bosafeleng, ke Molimo. Ka hona haeba u ruile Bophelo Bosafeleng, Bophelo boo bo ahileng ka uena esale bo le teng, 'me u no u le lethekeng la Molimo le pele lefatše le eba teng. 'Me ha Lentsoe ka Seqo sa lona... Jesu ka Sebele o bitsoa Lentsoe, 'me ho Santa Johanne 1, ho itsoe, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama 'me la aha har'a rōna." Ka hona u no u le lethekeng la Jesu, oa ea Kalvari le Eèna. U shoele le Eèna, 'me u tsohile le Eèna. 'Me kajeno re lutse libakeng tsa Leholimō ka ho Eèna, ho tlatsoa ka Moea oa Hae, bara le barali ba Molimo. Ho shoa le Eèna, tsohile le Eèna. Ehlide.

²³⁵ Joale ka hona, joale, joale u ka qoqa le Eèna. U ne u ka sitoa motšeо koana, hoba u ne u le Lentsoe feela ka ho Eèna, peō. Empa joale O u bonahalitse, 'me joale O batla hore u qoqe le Eèna. Eaba O a theoha, a etsoa nama A tle a kenele setsoalle se phethehileng le uena. Na u bona setsoalle se phethehileng? Oh, banna, liphiri tse tebileng tseo tsa Molimo! Ho babatseha hakakang! Ua bona, Molimo o no o ka sitoa ho kenela setsoalle ka Moea, ka baka leo Molimo oa etsoa motho le rōna.

²³⁶ Jesu Kreste e ne e le Molimo ka Seqo, o bonahalitsoe, hoba, E ne e le mora ka hobane A ne a tsoetsoe, empa e ne e le tabernakele ea Hae ho phela ho eona. "Ha ho motho ea kileng a bona Molimo le ka mohla, empa ea Tsoetsoeng a inotši oa Ntate o Mo tsebahalitse." Molimo o Ikahetse ntlu, 'mele ho phela ho ona, ho theoha e le hore u tle u Mo ame. Timothea oa Pele 3:16, "Ha ho khanyetso ruri, sephiri sa bomolimo se seholo; hoba Molimo o bonahetse nameng, ho bonoa ke Mangeloi, ho lumeloa, ho amoheloa holimō Leholimōng." Ua bona? Joale O...

²³⁷ Uena u nameng, le Eèna u nameng, ka hona le ka kenela setsoalle joale, hoba E ne e le mohopolo oa Molimo oa lerato. Molimo ke lerato. Na ho joalo? 'Me Jesu e ne e le mohopolo oa Molimo oa lerato. 'Me mohla tholoana ea lerato e ne e pepesoa, etsoe, hoo e ne e le Molimo ka Seqo; litholoana tsohile tse neng li fehiloe ho Eèna, li tlide ho Eèna, "Bohle bao Ntate a 'Neileng bona, ba tla tla ho 'Na." Ehlide, ba ne ba tlameha ho reroa pele. Holane ho sa etsahala, u ke ke ua ba teng mono. Ke phetho. Ruri.

²³⁸ Joale re kenela setsoalle, e ne e le ka baka la e—e menono ea Lentsoe la Hae, 'me e leng seo u leng karolo ea sona. U karolo ea Lentsoe; hoba Eèna e ne e le Lentsoe tšimolohong, u Lentsoe hona joale. Ua bona? Ke tla rera bosiu bona, kapa Sontaha kapa

le leng la matsatsi ana mohla ke kenang, ka seo Lentsoe le leng sona, ua bona. 'Me joale u karolo ea Lentsoe.

²³⁹ Mamela. Ntho e 'ngoe eo nke keng ka e etsa. Nke ke ka ithorisa ka baholoholo besō. Che, ke tsoa litšileng tse nyonyehang. Ntate e ne e le monna oa Moirishi. 'Mè e ne e le mosali oa Moindia, halofo Moindia; 'mae e ne e le Moindia, a hula penshene. Joale, bao bohle, matahoa, boholo ba bona bohle ba shoele ba roetse lieta, ba loana, liloani tsa lithunya, le ba joalo. Nke ke ka ithorisa ka letho le joalo, hoba baholoholo besō le sefatse sa lelapa se a tšabeha.

²⁴⁰ Empa, moena, nka ithorisa ka ho le hong, nka ithorisa ka Morena Jesu oa ka Ea ntopolotseng. 'Me ka matla a Hae a fetolelang o lemme peō, ka boitherolopele, 'me ke E bone. Ke mora oa mang hona joale? Yaa. Nka ithorisa ka Eèna. 'Me ke sebelisitse lilemo tse mashome a mararō a metso e merarō tsa bophelo ba ka, ke ithorisa ka Eèna. Haeba A mpaballa lilemo tse ling tse mashome a mararō le metso e merarō, ke tla leka ithorisa ka Eèna ho feta. Ua bona? Nka ithorisa ka Moholoholo oa ka, alleluia, Eèna ea ntopolotseng le ho jala peō ea Bophelo ka *mona*, le ho ntumella ho sheba Lentsoe lena, ho theola Moea oa Hae le ho re, "Ke Lena. Bua *sena*, 'me se tla hlaha. Etsa *sane*." 'Me oh, banna, nka ithorisa ka Eèna! Ebe O e phethile joang? Ka hlatsuo ea metsi ka Lentsoe, metsi a karohano. Ea ka re ka e hhalosa.

²⁴¹ Balumeli ba reriloeng kannete ba tla tiisetra Lentsoe hobane ke karolo ea Lentsoe leo.

²⁴² Oh, lôna linaleli tse kherang, le tla khera ho le ho kae? Lôna Bamethodise, Mabaptise, Presbeteriene, ba kantle, u ka bang eng, linaleli tse kherang, ho tloha kerekeng ho ea kerekeng, ho tloha tšieng ho ea tulong e 'ngoe, le thelebishene ho ea ho thelebishene, lefatšeng ho ea lefatšeng, hобaneng u sa tle? O lakatsa setsoalle le uena. O lakatsa uena. O batla ho u fetolela ka nchafatso ea mohopolo oa hao, e seng ho isoa kerekeng kapa ho bolumeli, empa Lentsoeng la Hae, etsoe, u karolo haeba takatso e le ka ho uena.

*Ho lehlohonolo bao ba lapileng le bao ba nyoretsoeng
ho loka: hobane ba tla khorisoa.* (Ua bona? Uh-huh.)

²⁴³ 'Me ho rometsoe matla a Hae a fetolelang, ho u ntša khofalolong ena ea borapeli u leng ho eona. Kholofalolong ena ea tšenyeho eo re leng ho eona, Molimo o rometse matla a Hae a fetolelang, Lentsoe la Hae, le nètfalitsoeng, le pakiloeng, ho u ntša khofalolong ena ea ho hloka temoho ha borapeli eo u tsamaeang ho bona, "feela, sefov, soto, athe ha u tsebe." E nanaheng, metsoalle.

²⁴⁴ Ua tseba, Molimo o rometse matla a Hae a fetolelang ho phethisa Lentsoe la Hae, le ho fetola 'mele ohle oa Sara le Abrahama. Ho fetolela monna oa leqheku le mosali oa leqheku, hobane A tšepisitse hore O tla e etsa.

²⁴⁵ 'Me seo Molimo o tsepisang ho e etsa, sona O tla e etsa. Ha ho letho, ntho efe... Ntho efe e khopameng, Molimo o ke ke oa etsa letho ka eona. Empa O tla boloka Lentsoe la Hae, 'me O tla romela Moea oa Hae! "Ke 'na Morena ea E lemileng. Ke tla E nosetsa motšeħare le bosiu, e se re e mong a e utla liatleng tsa Ka." Bibele e rialo.

²⁴⁶ Oh, lōna linaleli tse kherang, uena u nang le takatso pelōng ea hao! U tlameha ho ba le eona, ho seng joalo u ka be u sa lula mona hoseng hona. 'Me u ka be u sa kena likerekeng tseo le dioditoriamo, le lintho tseo u keneng ho tsona, kastle le ho phatlalla le naħa, hola Ntho e sa u tlisa kahare ka mono. Moħo ea itseng o buile le uena. U se ke ua tsoela pejana. E teng hlatsuo ea metsi ka Lentsoe, e tla u soeufta jaoloka leħloa. Oh, lōna bara ba Molimo, mameħlang! U se ke ua lula kholofalang eo. Tsoa ho eona. Abrahama o lumetse Molimo, 'me o bitsitse ntho efe e khahlano...

²⁴⁷ U re, "Ebe nka iphelisa joang? Ebe ke tla etsa *sena* joang?" Eo ke taba ea Molimo. "Ebe ke tla khona joang? Moifo oa ka o ntla ntħanohela."

²⁴⁸ Molimo o itse, "Ea tēlang ntatae ka sebele, 'mè, mosali, monna, malapa, matlo; Ke tla mo fa malapa le matlu, Ke tla mo nea bontate le bommè, le baena le likhaitseli, lefatħeng lena, le Bophelo Bosafeleng lefatħeng le tlang ho tla." Ke tsepiso, motsoalle. Hoo, oh, ntho eo e tlameha ho nosetsoa! Tsepiso e 'ngoe le e 'ngoe eo Molimo a e etsang e a etsahala. Peō e 'ngoe le e 'ngoe ea Molimo ke tsepiso.

²⁴⁹ 'Me, khaitseli, khaotsa ho poma moriri oo, hobane ha se le tšoanelo ka pel'a Molimo. Lesa ho apara liaparo tseo, ke manyala ho Eēna!

²⁵⁰ Lōna baena, lōna banna, lesang ho tšella malumeli ana, ka ho etsa lintho tsena, le ho lesa basali ba lōna ho etsa tse joalo. Ha se tšoanelo ho Bakreste.

²⁵¹ Khutlela Lentsoeng! Nka Lentsoe leo, Le tla hola. Le tlameha ho hola. Matla a Molimo a fetolelang e leng a Le hlahisitseng khetlo la pele, O leetong la Hae feela le khutlang, ho Le khutlisa hape joale. O khutlela hantle morao moo e neng e le teng.

²⁵² Henoke o fetotsoe, ho tsoa lefung, ka matla a Molimo a fetolelang. Molimo o entse hoo ka morero ofe? E ne e le papiso ea Kereke e tla kena hloibilong. Yaa. Elia o ne a tšoana.

²⁵³ 'Mele oa Jesu o tsositsoe hoba o shoe. 'Me lebitleng, 'mele oa Jesu o phelisitsoe ke Lentsoe la Molimo; le ho fetoleloa, ho tsoa ho mofu, oa sebopaho se batang, ho ea ho Mora oa Molimo ea tsositsoeng, ea tlotlisitseng. Hobane moporofeta, Lipesalema 16:10, ha le batla ho e ngola, 16:10, ho itsoe, "Nke ke ka lesa moea oa Hae liheleng, nke Ke ka tloħela Eēna Mokħethoa oa Ka hore a bone ho bola." Oho Molimo!

²⁵⁴ Lentsoe leo le tlameha ho phetheha, Ke Lentsoe la Molimo! Le jale pelōng ea hao, ha u batla ho kena Hlobilong. Ha u batla ho fetoha Mokreste oa makhonthe, beha Lentsoe lena. Joaloka ha ke lumela e ne e le Ezekiele, Molimo o its'e, "Nka buka e mennoeng eo u e je," hore moporofeta le Lentsoe ba be bang. 'Me tsepiso e 'ngoe le e 'ngoe ka mono e tlameha ho iponahatsa, hobane ke Peō ea Molimo ea tšimoloho. U se ke ua lumella moithuti ea itseng oa thutabomolimo ea rutehileng kantle mona a leke ho pompa a Le ntša ho uena. U se ke ua mo lumella ho u nyanyatsa ka saense ea nama le tsebo, le thuto. Lumela Molimo!

²⁵⁵ Abrahama ha a nka tšibollo ea saense ea letsatsi la hae, ho re, "Ke tsofetse tlolo ho fumana lesea, ke ile hole haholo. Ke entse *sena, sane*, kapa se *seng*." Empa o bitsitse ntho efe e khahlano, le Lentsoe la Molimo, e ka hoja e le sieo. 'Me a se ke a sisinyeha tsepisong ea Molimo, ka ho se lumele; a mpa a ipha matla, a ntse a rorisa Molimo. A tseba hobane Molimo o tseba ho phethisa seo O se tsepisitseng.

²⁵⁶ Oh, lōna bara ba kherang, ba holofalitsoeng ke mangoarapela a lefatše lena! Likhaitseli tse kherang, ba huletsoeng libakeng le difesheneng tsa lefatše lena! 'Me, khaitseli moratuoa, u ka nkhopola ke le mokhelo oa khale, empa le leng la matsatsi ana ha u thulanla le seo Florence Shakarian a thulaneng le sona bosiu bo bong; o ne a lutse phaposing ena, le eēna, tulong ena, joaloka ha le tseba. Mohla o thulanang le seo, u tla fumana hobane, e seng 'na, empa Lentsoe lena le lōkile. Sutha dishopong tseo tsa bakuti, dishopo tseo tsa feshene. Sutha linthong tseo.

²⁵⁷ Ho re, "Hobaneng u sa ba rute lintho tseo tse khōlō, mokhoa oa ba *sena*?" Qala ka di-ABC tsa hao feela, 'me re tla latēla ka algebra. Ua bona? Qalang le ithute, "ke eona tšebeletso ea lōna e tšoanelehang."

Ke le laela ke hona, bana besō, ka mehauhelo ea Molimo, hore le behele 'mele oa lōna e le sehlabelo se phelang, se halalelang, le se amohelehang nqa Molimo, e leng eona tšebeletso ea lōna e tšoanelehang.

²⁵⁸ U etse "tšebeletso ea hao e tšoanelehang," Molimo o tla hlokomela tse setseng; ua bona, ho rerisana le lintho tseo u ka rerisanang le tsona ka bo-ueno 'me u li etse. Na ha se . . . Na ha se ho hloka kelello ho mosali o hlobola a tsola, a tsoela kantle mona 'me a itšoare joalo, athe Bibele e a e khalema? Na ha se ho hloka kelello ho monna ho itšohlometsa tšomong eo re e fumanang kajeno, 'me nyee ena eohle mona, le nyee ena eohle ea seminari, le nyee e kang eo, athe e khahlano le Lentsoe la Molimo e tiile? Ua bona?

²⁵⁹ Melomo ea Esaia, e ne e le monna ea pala ea melomo e litšila. O itse, "Morena, ke har'a batho ba sa hloekang, le melomo ea ka ha e a hloeka. Ho malimabe 'na hobane ke bone Molimo." 'Me

Lengeloi la theoha, la okha Mollo, Mollo o Halalelang aletareng ea Molimo, 'me la fetolela melomo ea hae; ho tsoa ho melomo ea monna ea kherang, ho ea ho melomo ea moporofeta ka HO RIALO MORENA. Matla a Molimo a fetolelang!

²⁶⁰ Batšoasi ba lihlapi ba lekholo le mashome a mabeli, le—le barekisi ba khale ba purapera, ba basali, 'me ba phutheha phaposing e ka holimō ba notletse menyako, ba bang ba bona thuto e haella le ho tekena mabitso a bona. Molimo o ba fetoletse ho tsoa ho boralihlapi, ho isoa ho batšoasi ba batho; ho tsoa ho banna le basali ba seterata, ho isoa ho bahalaleli ba Molimo, ba sa shoeng. Matla a Molimo a fetolelang!

²⁶¹ Pauluse, setho sa kereke ea selehae, Presbeteriene, Methodise, Baptise, Pentekosta, kapa ntho e 'ngoe; a theoha ka seterata, a arubelitsoe ke moea oa hae o moholo oa bohanyetsi, a itlaleha a tseba ho feta mang oa bona. A tsoa tlas'a Gamaliele, e mong ba baruti ba khabane naheng. Ha hlahang tseleng ea hae e theohelang Damaseka, ho tšoara mphi ea batho ba lumelang Lentsoe la Molimo? Tseleng ea hae e theohelang mono, a otloa a oela fatše, 'me a utloa Molaetsa. 'Me E mo fetoletse ho tsoa ho setho sa kereke le motsamai oa kereke; ho isoa ho moporofeta oa Molimo, ea ngotseng Lentsoe la Molimo, kahar'a Testamente e Ncha. Ho tsoa ho setho sa kereke ho isoa ho mohalaleli!

²⁶² Oh, uena naleli e kherang, ha re koaleng. Mora ea kherang, Peō e kherang e tlohang tulong ho ea tulong, kholofalong ena; fetohang, hoseng hona, bana. Nkutloeng hleng joaloka e—joaloka monna ea lekang ho ema lipakeng tsa ba phelang le ba shoeleng.

²⁶³ Kantle koana lefatšeng leo khaso e finyellang 'me u ntse u hoketsoe, uena ea lelerileng ho kena tulong, lula motsoto feelsa hape. Kea tseba ho phirimile mona Tucson kapa, ke kopa tšoarelo, Phoenix, ke metsotso e mashome a mabeli pele ho leshome le metso e 'meli. 'Me ke tšoere batho bana mona hoseng hohle. Ke le thibetse mosebetsi oa lōna le lintho. Empa sheba, motsoalle ea ratoang, u ka tšoha u eba hole le Molimo ka mehla. Khutla hle hoseng hona. Na u ke ke? Sebaka se sa le teng Selibeng.

Khale koana sejelong, ke tseba joalo,
Ngoana o tsoetsoe ho pholosa batho sebeng.
Johanne o 'Mone lebopong, Konyana ka mehla,
Oh, Kreste, Mothakhisoa oa Kalvari.

Oh, ke rata Monna oa Galelea, oa Galelea,
Hoba O nketselitse tse ngata.
O tšoaretse libe tsa ka, le Moea o Halalelang
kahare;
Oh, ke rata, ke rata Monna oa Galelea.

Molekhetho o tlie ho rapela tempeleng tsatsi
le leng,

A hooa, “Oho Morena, nkhauhele!”

A tšoareloa sebe sohle, khotso e tebileng ea
bōba;

A re, “Tloong le bone Monna enoa oa Galelea.”
Hantle.

Liritsa li tsamaisitsoe, limumu tsa buisoa,
Matla ao a lerato a builoe holim'a leoatle;
Lifofu li thusitsoe tsa bona, e ka etsoa feela
Ke mohau oa Monna eo oa Galelea.

²⁶⁴ Bapisa hoo le bosebeletsi ba kajeno.

Mosali selibeng, O 'moleletse libe tsa hae,
Ka banna ba hae ba bahlano.

O tšoaretsoe sebe sohle, khotso e tebileng ea
bōba;

A hooa, “Toong le bone Monna oa Galelea!”

²⁶⁵ Mosali, A ka etsa joalo. O balile pelō ea hao hoseng hona.
Monna, O balile pelō ea hao. Oh, uena molekhetho, ha re
rapeleng!

Oh, ke rata Monna eo oa Galelea, oa Galelea,
Hoba O nketselitse tse ngata.

O tšoaretse libe tsa ka, Moea o Halalelang
kahare;

Oh, ke rata, ke rata Monna eo oa Galelea.

²⁶⁶ Na u ke ke ua Mo rata, le 'na, hoseng hona? Oh, uena
mokhelohi, moetsalibe ea kherang, mona kapa kantle moo u ka
bang teng, na u ka amohela Morena oa ka hoseng hona? Ke
Lentsoe, 'me Lentsoe le tlisitsoe ho uena. Na u ke ke ua Mo
amohela hoseng hona? Na u ka phahamisa matsoho a hao feela
kapa ua ema ka maoto, kapa ho hong, le ho rapela, ho re, “Ke
batla ho Mo amohela hona joale hantle. Moena, ke ikemiselitse.
Ke batla ho Mo amohela hona joale hantle.” Na u ka ema ka
maoto a hao, motho mang ea batlileng ho rapela, le ho re,
“Ke a...” ho rapelloa, ke rialo, “Ke moetsalibe. Ke batla...”
Molimo a u hlohonolofatse, monghali. Motho e mong ho sele?
Motho mang le mang a rapele joale, motsotso feela.

Oh, khale koana sejelong, (e ne e le tšenyeho, u
a tseba, lefatšeng), ke tseba joalo,

Ngoana e monyenyan e tsoetsoe ho pholosa
batho sebeng.

Mohlang oo Johanne o 'Mone lebopong, E le
Konyana ka mehla, (eona Eo kajeno)

Oh, Ke Kreste, Mothakhisoa oa Kalvari.

²⁶⁷ Na u ke ke ua Mo rata ka pelō eohle ea hao kajeno, u tle u
tsamaee u tsoe maemong ana a lefatše u lutseng ho lōna? Lōna
basali, lōna banna, oh, le luletse'ng mona nako ena eohle? Hoo

ho bontša ntho e le teng tlase botebong ka ho uena, e teng ntho e lapileng e nyoriloeng. Le ka be le sa lula mona lihora tse peli tsena kapa tse tharō, ho lula moahong ka tsela ena; ntho e teng. Na u ke ke ua e mamela kajeno? E re difeshene le saense, le lintho tsohle tsa lefatše, li fete mohopolo oa hao hona joale, moena ea ratehang kapa khaitseli ea ratehang.

Likereke lia teana, chaba tse khōlō lia
pshatleha, Iseraele ea tsoha,
Lipontšo tseo baporofeta ba li boletseng;
Matsatsi a Lichaba a baliloe, likoluoa lia
phophotha;
“Khutlelang, Oho lona baqhalani, ha’bo lōna.”

Tsatsi la topollo le haufi,
Pelō tsa banna li qhibilisoa ke tšabo;
Le tlale Moea, lilampi tsa lona li kutoe li hlake,
Lelalang, topollo ea lōna e haufi!

Baporofeta ba bohata ba thetsa, ’Nete ea
Molimo ba e latola,
Hore Jesu e leng Kreste ke Molimo oa rōna.

²⁶⁸ Joale, hoo ke ’nete. Le tseba seo, rōna bohole, letsatsi leo re phelang ho lona.

Empa O itse Leseli le tla chaba nakong ea
mantsiboea,
Tsela ea Khanyeng ruri le tla e fumana.

²⁶⁹ Ke letsatsi leo re phelang ho lona hona joale. Leseli le tla chaba ha e se e tla ba mantsiboea mohla lefifi le tšoarang, nako ea shoalane, naleli ea mantsiboea.

Shoalane le naleli ea mantsiboea,
Ho ntano tšoara lefifi!
Tšarelo ea tumeliso e emelle hole,
Mohla ke hloang qetellong;

Mafeela ohle a kakasoa ke nako le sebaka,
Leha meroallo e ka nthotela hole,
Oa ka Moqhubi ke batla ho ’moha
Mohla ke tšetseng leliboho.

Se bue, tse ngata ka melumaelo,
Ho thoe bophelo ke toro e feela!
Moea o borokoana o timetse,
’Me lintho ha li ee ka chalimo ea mahlo.

E, bophelo bo tiile! Bophelo bo mahlonoko!
’Me lebitla ha se pheo ea bona;
Hoba u lerôle, u khutlela lerōleng,
Ho n’o sa hopoloa moea.

Maphelo a bahale a re hopotsa rōna,
 'Me re ka itšekisa maphelo a rōna,
 'Me, likarohanong, re ka siea,
 Mehlala mahlabatheng a nako;
 Mehlala, eo fale ho e mong,
 Ea sesisang tseleng e mahloko ea bophelo,
 Moena ea hlorehang ea sekepe se matamuke,
 Ka ho bona, a boele a feheloe bocha.
 Ha re raoheng, ke hona, re sebetseng,
 Ho phepetsa ntoa e ncha ka sebete;
 Se keng lithoto, tsa makhomoo a qhojoang!
 Eba mohlabani ntoeng!

²⁷⁰ Molimo o ratehang, ke ba Hao. Ke bone banna ba babeli ba ema ka maoto a bona, Ntate. Kea rapela, Molimo, U tle u ba tšoare joale. Ba batla ho ba bara ba Hao. Ba phaphame bohlasoeng ba bophelo boo ba bo phetseng, 'me joale ba batla ho hlasimolloa, bocha, ka kolobetso ea Moea o Halalelang holim'a Peō e jetsoeng lipelōng tsa bona letsatsing lena. Molimo Rabosafeleng, 'Mopi oa lintho tsohle, Ea entseng Lentsoe la Hao, 'me kea lumela U tsebile banna bana ba tla etsa sena hoseng hona. Kea rapela, Morena, U tle u nosetse Lentsoe leo, motšehare le bosiu, le ho se lumelle Satane ho e utla matsohong a Hao. E be sefate seo ka linako tse ling, Paradeising ea Molimo, mohla ntho eohle e buselitsoeng hape, hoba Lentsoe la Hao le ke ke la hloleha, se tla khutla hape. Hoba lefatše lena . . .

²⁷¹ 'Me tsoelopele ea mofuta ona ha e sa tla ba teng lefatšeng le tlang. Ha ho sa tla ba le makoloi kapa letho leo saense e kileng ea le etsa. Lintho tse joalo ha li sa tla ba teng lefatšeng le tlang. Empa e tla ba tsoelopele ea mofuta oa Molimo ka Seqo eo A tlang ho e hloma 'musong o tlotlehileng. Hoba, ho tsoelopele ena maloetse a teng, lefu, hloreho, mabitla, le bofuma. Empa 'Musong o tlang ho tla, ha ho lefu, ha ho hloreho, ha ho maloetse, ha ho botsofali. Oho Molimo, sohle se tla ba secha mono, tsoelopelepeng ea Hao.

²⁷² Molimo, re fetolele kajeno, ka matla a Hao, ka nchafalo ea mohopolo oa rōna, ho tsoa lielementeng tse sa reng letho tsa lefatše lena joale, ho ea Lentsoeng la Molimo. 'Me re nchafatsoe ka matla a Molimo a fetolelang holim'a Peō e pelōng ea rōna, re tle re lumele, re be libopua tse bitsoang bara le barali ba Molimo. Ena ke thapelo ea ka ho Uena, Ntate, bakeng sa batho, ka Lebitso la Jesu. Amen.

²⁷³ Joale ho lōna kantle khasong, hohle moo u leng teng, ke batla u amohele Kreste kantle mono, joaloka Mopholosi oa hao, le ho tlatsoa ka Moea oa Hae. Mantsoe a builoeng hoseng hona, a ke a oe le pelōng ea hao. 'Me u amohele Jesu mono. 'Me u shebe bophelo ba hao, 'me u bone seo u se phelang hamorao. 'Me u nke Sefe ea monna ea kelello mona. Ha u ipona o etsa ntho e

khahlano le Lentsoe lena, tloha ho eona, ka potlako. Ua bona? Hobane, e teng Sefe e lelekang lefu ho uena, leo ke Lentsoe la Molimo. Mantsoe a Hae ke Bophelo, 'me a tla u thibela lefu.

²⁷⁴ Lōna batho ba kahar'a oditoriamo mona joale, ke le tšoere halelele mona. Ke leboha ketelo ea lōna. Ke rapela Molimo ho se lumelle Peō ena ho shoa le ka mohla. Kea tšepa ha le nahane ke eme mona feela ho bua lintho tsena ho fapania. Ke li buisa ke lerato; le ho tseba hobane ke mehleng ea ka feela joaloka motho ea busoang ke lefu, joaloka ha ke eme joale, ke hona mohla nka khonang ho rerela batho. 'Me ke rata Jesu Kreste. Ke Mopholosi oa ka. 'Me le hopole, nka be ke le kantle mane seterateng holane e se ka Eèna. Nka be ke le kantle mane; batsoali ba ka bohle, batho ba hesō bohle, e ne e le baetsalibe. Empa Molimo, ka matla a Hae a fetolelang, kea tseba hore a mphetotse sebopuoa se fapaneng. 'Me nka—nka le khothaletsa ona, hore a lōkile. 'Me a tla boloka lihoreng tsa tlakotsi. Esita le lefung, monyako, ha u tšohe letho. "Ha ho letho le ka re arohanyang le lerato la Molimo, le leng ho Kreste." A Molimo a hlohonolofatse e mong le e mong oa lōna, le ho le nea Bophelo Bosafeleng.

²⁷⁵ Ba se nang Peō ea Molimo ba ba kae ka mona, kolobetsø ea Moea o Halalelang? Na u ka phahamisa letsoho la hao feela, ho re, "Nkhopole, Moena Branham, ke tle ke amohele Moea o Halalelang." Joale u nke Lentsoe pelōng ea hao—ea hao, 'me u Le lumele. Joale haeba u... U ka icheba. Nyoloha u shebe seipone, 'me u ka bona moo u leng teng. Ua bona, u ka tseba.

²⁷⁶ U re, "Be, ke ne ke sa phahamisa letsoho la ka, ka ha ke lumela ke na le ona."

²⁷⁷ Ichebe ka seipone, u ka bona mofuta oa moea o ntseng o u thetsa, ua bona. Monahano o thetsitsoeng! "Ho motho tsela e 'ngoe e ka bonahala e lōkile, empa pheletso ea eona ke litsela tsa lefu." Na eo ke 'nete?

'Fapanong 'Moloki o shoetse teng,
Teng ka llela hlatsuo ea sebe;
Oh, Mali a tlotsitsoe pelōng ea me;
Bokoe...

²⁷⁸ Koala mahlo a hao feela, motsotsø joale, 'me le se binele Eèna feela. Ha re phahamiseng matsoho a rōna feela.

Lebitso la Hae le bokoe, Lebitso la Hae le
thata!
Lebitso la Hae le bokoe!
Mali a tlotsitsoe pelōng ea me;
Lebitso la Hae...

²⁷⁹ Ke batla lōna Bakreste le tsukutlane ka letsoho, lōna ba pholositoeng.

Ke pholositsoe sebeng sa me,
 Jesu o lutse hantle teng,
 'Fapanong O nkentse ka hare;
 Lebitso la Hae le bokoe!
 Lebitso la Hae le bokoe, Lebitso le thata!
 Lebitso la Hae le bokoe!
 Oh, Mali a tlotsitsoe pelōng ea me;
 Lebitso la Hae le bokoe!

²⁸⁰ Mali a tšoere Lefi la Bophelo ka ho Ona, u a tseba. Taba ena e lebisitsoe ho ba sa Mo tsebeng.

Oh, tloo 'Libeng se enneng se monate;
 Moea oa hao maotong a 'Moloki;
 Oh, qoela kajeno, u phethisoe;
 Lebitso la Hae le bokoe!
 Oh, ho bokoe . . .

Ha re inamiseng lihlooho tsa rōna re sa se bina.

Lebitso la Hae le bokoe!
 Mali a tlotsitsoe pelōng ea me;
 Lebitso la Hae le bokoe!

²⁸¹ Lea Mo rata? [Phutheho e re, "Amen."—Mohl.] Pauluse o itse, "Ke tla bina ka Moea. Ke tla rapela ka Moea." Ha re se bineleng tlase haholo hape, re phahamisitse matsoho a rōna.

²⁸² U a tseba, bothata ba eona, rōna batho ba Pentekosta, re lahlehetsoe ke thabo ea rōna, maikutlo a rōna. Joaloka Billy Graham a buile bosiu bo bong, "Bareri bao, ba lik'holloro li hetlileng morao, ba theohela Boroa, ba opa liatla, ba ea holimō-le-tlase ba tila ka maoto mokatong, ba tilaka, ba ne ba thabisitsoe ke ho hong." Be, yaa, le 'na ke thabisitsoe ke ho Hong. Ua bona? Ua bona? Yaa. Yaa, re lahlehetsoe ke maikutlo a rōna.

²⁸³ Joale ha re phahamiseng matsoho a rōna. Le se ke la khathatsoa ke likeleli, ha li sitise letho, ua bona. Taba eo ha e sitise. "Ea tlohang a jala, ka meokho, o tla khutla hape ruri, a jere mangata a theko e thata." Ho lōkile.

Lebitso la Hae le bokoe, Lebitso le thata!
 Lebitso la Hae le bokoe!
 Mali a tlotsitsoe pelōng ea me;
 Lebitso la Hae le bokoe!
 Lebitso la Hae . . . (Oho Molimo! Molimo a
 tlotlisoe!)
 Lebitso la Hae le bokoe!

Tebisa Peō, Morena, pelōng!

Mali a tlotsitsoe pelōng ea me;
 Lebitso la Hae le bokoe!



MATLA A MOLIMO A HO FETOLA SST65-0911
(God's Power To Transform)

Molaetsa wona, ka Moena William Marrion Branham, o rerilwe sethatong ka Senyesemane a Moqebelo hoseng, Loetse 11, 1965, sebokeng sa Full Gospel Business Men's Fellowship International, Ramada Inn, Phoenix, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org